

四庫全書

史部

欽定四庫全書

欽定續通志卷一百三十三

職官畧

金元官制上

金自太宗天會四年置尚書省於是三省並建至熙宗
頒新官制而其制乃定然大率循遼宋之舊未有更制
海陵正隆元年罷中書門下二省祇置尚書省自省而
下官司之號曰院曰臺曰司曰寺曰監其在外者曰總

管府曰府曰節鎮曰防禦州曰刺史州曰縣各統其屬以修其職職有定位員有常數是以終金之世守而弗變焉元太祖肇基朔土以萬戶統軍旅以斷事官治政刑所任用者一二親貴重臣而已及太宗取中原始立十路宣課司金人來歸者則因其故官授之蓋亦頗承金制逮世祖即位登用老成酌古今之宜定內外之職一代鴻模炳為大備其設官乃數倍于金矣而官司之號所謂院臺司寺監者猶半沿金代之稱惟金之總政

務者為尚書省元則於至元八年併其事於中書罷尚書不設餘亦多所增改以視金制固有殊耳大抵金元開國之初風俗淳樸非有庶務之繁故其制簡而官省及撫臨四字庶政更新由質而又固其宜也况元之混一南北大闢版圖特踰前代又安得不多設之官以收茲廣土哉然元設官雖多於金而其所因革皆可稽考謹錄二代之制為一編以志其職掌焉

太師太傅太保

金為三師秩最尊或為宰臣及將帥加官元太宗即位始建三公世祖時其職

常缺僅置太保至成宗武宗而後三公並建遂無虛位

太尉司徒司空

金為三公除拜與三師同元制間置司空又置大司徒于司徒太尉之上且或

置或不置其置者或開府或不開府俱無定制

中書令

元置中書令一人典領百官會決庶務或以相臣為之或以皇太子為之

臣等謹案金史有尚書令總領紀綱位在左右丞

相上而中書令則不載又攷宇文懋昭大金國志

載中書令侍中位皆居丞相下正隆間遂罷之則

金初雖暫設中書令而品秩不尊元則自至元七

年以後立尚書省八年乃罷嗣後廢置屢更至武

宗至天四年尚書省仍歸中書省其職典領百官

位賦丞相視金初所置秩較重云

右丞相左丞相

金制左右丞相各一人元與金同統六官平百司居中書令之次令缺則總省

事

臣等謹案歷代尚左唯元制尚右故右丞相為首
揆其左右丞亦先尚右

平章政事

金置二人元置四人掌機務貳丞相凡軍國重事無不由之

右丞左丞

金置左右丞各一人元與金同
副宰相裁成庶務號左右轄

參知政事

金置二人元與金同副宰相
參大政其職亞於左右丞

臣等謹案參知政事起於唐宋金元因之元史百

官志作參政宰相表仍作參知政事百官志因省

文而誤也

參議中書省事

元置四人典左右文牘為六曹之管轄
軍國重事咸預決焉元以前各代皆不

置

左右司郎中員外郎

金置左右司郎中各一人員外郎
各一人都事二人元置左右司郎

中各二人
員外郎各二人
都事四人
總理六曹之事

臣等謹案金設尚書省元設中書省其左右丞相

以下至左右都事官屬職掌悉同唯金之尚書省

屬有祇候郎君架閣庫管勾同管勾堂食公使副

直省局長副局長管勾尚書省樂工元之中書省

屬有斷事官客省使副使檢校照磨管勾架閣庫

管勾等職二代之制略異云

吏部

金置尚書一人侍郎一人郎中二人員外郎無定
員主事四人架閣庫管勾一人同管勾一人官誥

欽定四庫全書

欽定續通志

卷一百三十三

四

院提舉二人元置尚書三人侍郎二人
中二人員外郎二人首領官主事三人

戶部

金匱尚書一人侍郎二人郎中二人員外郎三人
主事五人架閣庫管勾一人同管勾檢法無定員

勾當官五人幹辦官十人又所屬有雜貨務使副使交
鈔庫使副使判官都監印造鈔引庫使副使判官鈔紙
坊使副使判官交鈔庫物料場官隨處交鈔庫鈔紙坊
使平準務使副使勾當官元置尚書三人侍郎二人郎
中二人員外郎三人首領官主事八人其屬有都提舉
萬德寶源庫都提舉一人提舉一人同提舉一人副提
舉一人掌寶鈔玉器都提舉萬德廣源庫掌香藥紙劄
諸物都提舉萬德騎源庫掌諸色版足都提舉萬德賦
源庫掌絲綿布帛諸物設官並與寶源庫同四庫照磨
魚架閣庫管勾一人提舉富寧庫提舉一人同提舉一
人副提舉一人分掌萬德寶源庫出納金銀之事諸路
審鈔提舉司達嚕噶齊一人同提舉一人副提舉一人

一人提舉一人同提舉一人副提舉二人知事一人照
磨一人寶鈔總庫達魯噶齊一人天使一人副使三人
印造寶鈔庫達魯噶齊一人天使二人副使二人燒鈔
東西二庫達魯噶齊一人天使一人副使一人行用六
庫提領一人大使一人副使一人天都監課提舉司掌
諸色課程併領京城各市提舉二人同提舉二人副提
舉一人其各市又有提領一人天使一人副使一人天
木所提領一人天使一人副使一人天都酒課提舉司
掌酒醋權沽之事提舉一人同提舉二人副提舉二人
鈔紙坊提領一人天使一人副使二人印造茶鹽等引
局大使一人副使一人京畿都漕運使司掌漕運之事
運使二人同知二人副使二人判官二人經歷一人知
事一人新運糧提舉司達魯噶齊一人都提舉一人同
提舉二人副提舉一人所屬各倉有監支納大使副使
通惠河運糧千戶所置中千戶一人副千戶二人都漕
運使司掌御河上下至直沽河西務李二寺通州儲運

糧斛之事運使二人同知二人副使二人運判三人經
 歷一人知事一人所屬各倉有監支納大使副使糧景
 等處採金鐵冶都提舉司提舉一人同提舉一人副提
 舉一人大都河間等路都轉運鹽使司使二人同知二
 人副使一人運判二人經歷一人知事一人照磨一人
 各鹽場置司令一人司丞一人山東東路轉運鹽使司
 運判一人各鹽場置司令一人司丞一人管勾一人河
 東陝西等路轉運鹽使司運判一人所屬管勾一人同
 管勾一人各提領所正
 提領一人副提領一人

禮部

主事二人又所屬有惠民司令直長都監元置尚

書三人侍郎二人郎中二人員外郎二人成宗元員元
 年復增尚書一人領會同館事首領官主事二人其屬
 有侍儀使四人通事舍人十六人侍儀舍人十四人引
 進使知侍儀事二人承奉班都知一人典簿一人所屬

法物庫提點一人大使副使各一人直長二人拱衛直
都指揮司掌控鶴及儀衛之事達嚕噶齊一人都指揮
使四人副指揮使二人僉事二人經歷一人知事一人
儀從庫掌儀衛器仗大使一人副使一人儀鳳司掌
樂工供奉祭享之事大使五人副使四人經歷一人知
事一人雲和署掌樂工音律及部籍更番之事署令二
人署丞二人管勾二人協律一人安和署該
官職掌與雲和同常和署署令一人署丞二人管勾二
入天樂署署令二人署丞二人管勾二人協律各一人
廣樂庫大使一人副使一人教坊司達嚕噶齊一人大
使三人副使四人知事一人興和署署令二人署丞二
人管勾二人科和署設官職掌與興和署同廣樂庫大
使一人副使一人會同館領會同館事一人以尚書充
大使二人副使二人鑄印局大使一人副使一人直長
一人掌薪司司令一人司丞二人

兵部

金置尚書一人侍郎一人郎中一人員外郎二人主事二人又所屬有四方館使副使法物庫使副

使直長承發司管勾同管勾元置尚書三人侍郎二人郎中二人員外郎二人首領官主事二人其屬有大都陸運提舉司掌兩都陸運糧斛之事提舉二人副提舉一人吏目一人管領隨路打捕鷹房民匠總管府達魯噶齊一人總管一人副總管二人經歷一人知事一人管領本棧下大都等路打捕鷹房諸色人匠都總管府達魯噶齊二人總管一人同知一人副總管一人知事一人東局織染提舉司達魯噶齊一人提舉一人副達魯噶齊一人副提舉一人隨路諸色民匠打捕鷹房等戶部總管府達魯噶齊一人總管一人同知一人經歷一人知事一人管領本位下打捕鷹房民匠等戶都總管府達魯噶齊一人總管一人副達魯噶齊一人同知一人副總管一人判官一人

一人副總管一人知事一人

一人經歷一人知事一人

刑部

金置尚書一人侍部一人郎中一人員外郎二人主事二人架閣庫管勾一人同管勾一人又所屬

有萬字官提舉司提舉同提舉慶寧宮提舉司提舉同提舉元置尚書三人侍郎二人郎中二人員外郎二人

首領官主事三人司獄司司獄一人獄丞一人司籍所提領一人同提領一人

工部

金置尚書一人侍郎一人郎中一人員外郎一人主事二人覆實司管勾一人又所屬有修內司使

副使直長部役官授給官都城所提舉同提舉左右廂官受給官祇應司提點令丞直長牧支庫都監同監既

官署令丞直長上林署提點令丞直長花木局都監同監同樂園管勾元置尚書三人侍郎二人郎中二人員

外部二人首領官主事五人司程官四人其屬有諸色人匠總管府字百工之技藝達嚙齋一人總管一人

同知二人副總管二人經歷一人知事一人梵儀提舉司提舉一人同提舉一人副提舉一人吏目一人出蠟

一人照磨一人其所隸各提舉司及收支庫設達魯噶
齊提舉同提舉副提舉各官提舉都城所提舉二人同
提舉二人副提舉二人吏目一人照磨一人受給庫提
領一人大使一人副使一人符牌局大使一人副使一
人直長一人旋匠提舉司提舉一人副提舉一人色特
呼濟提舉司提舉一人副提舉一人巴什伯里局掌職
造御用領袖實實等仗大使一人副使一人呼達巴哩
局大使一人平則門允照門密場及大都皮貨所通州
皮貨所各置提領一人大使副使各一人晉寧路織染
提舉司提舉一人所屬各局設提領副提領各官冀寧
路及真定路織染提舉司各置提舉一人同提舉一人
副提舉一人所隸雜造織染紋錦各局各司或置大使
副使提舉同提舉副提舉院長局副提領各官各
隨其地又巡河提領所提領二人副提領一人

臣等謹案唐宋六部郎官皆置四曹金元則不分

置各曹惟以部署其名各司其部之事故選任獨重其部中員外郎與尚書侍郎協恭厥職非若唐宋之區以曹司也至六部之制或以吏戶禮為左三部兵刑工為右三部此金元初制之所同也或合吏禮為一部兵刑為一部或仍分兵刑為二部吏禮為二部此元代初制之所獨也金至熙宗乃分六曹置長貳焉元世祖中統以後員額尚未有定制迨至元二十三年尚書以下始以二員為額

其設官之多寡金則事簡員少元則事重職煩時
與代更有未可執一以例者又考元史志所載隸
於戶工二部者官職獨多蓋元自世祖以後規模
既遠體統相維度支出納之事山林川澤之需有
不得不日趨於繁盛者亦其勢使然豈獨異於唐

宋哉

樞密院

金置樞密使一人樞密副使一人
金書樞密事一人
同僉樞密院事一人
經歷一人
都事一人

掌凡武備機密之事
元置知院六人
同知四人
副樞二人
僉二人
同僉二人
院判二人
參議二人
經歷二人

都事四人承發兼照磨二人架閣庫管勾一人同管勾
一人其屬客省司大使二人副使二人斷事官八人掌
處決軍府之獄訟經歷一人所隸各衛有右衛掌宿衛
扈從兼屯田之事都指揮使三人副都指揮使二人僉
事二人經歷二人知事二人照磨一人行軍千戶所十
連嚕噶齊十人副連嚕噶齊十人千戶十人副千戶十
人弩軍千戶所一連嚕噶齊一人千戶一人屯田左右
千戶所二連嚕噶齊二人千戶二人蒙古字教授一人
儒學教授一人掌諸屯衛行伍戰耕之暇習學國字通
曉書記由樞府選舉後歸吏部左衛中衛前衛後衛職
掌悉與右衛同置官亦同武衛掌修治城隍及京師內
外工役兼大都屯田事連嚕噶齊一人都指揮使三人
副都指揮使二人僉事二人經歷二人知事二人照磨
一人所屬行軍千戶所七連嚕噶齊七人副連嚕噶齊
七人千戶七人副千戶七人屯田千戶所六連嚕噶齊
各一人千戶六人蒙古字教授一人儒學教授一人隆

鎮衛掌屯軍都指揮使三人副指揮使二人僉事二人
經歷二人知事二人承發兼照磨一人所屬北口千戶
所達嚕噶齊一人千戶一人其南口白早口牌樓口古
北口邊民鎮黃花鎮蘆兒嶺太和嶺柴荆關陸鎮各千
戶所設官皆同左右翼屯田萬戶府掌軍屯事兩府達
嚕噶齊各一人萬戶副萬戶經歷知事各一人所屬千
戶八所達嚕噶齊八人千戶八人副千戶八人又千戶
四所達嚕噶齊四人千戶四人副千戶四人左衛率府
為東官衛軍率使三人副使三人僉事二人經歷一人
知事一人照磨一人所屬行軍千戶所十達嚕噶齊十
人千戶十人副千戶十人弩軍千戶所一達嚕噶齊一
人千戶一人屯田千戶所三達嚕噶齊三人千戶三人
蒙古教授一人儒學教授一人陰陽教授一人右衛率
府設官與左衛率府同河南淮北蒙古軍都萬戶府都
萬戶一人副都萬戶一人經歷一人知事一人巴咱爾
萬戶府萬戶一人副萬戶一人經歷知事各一人所

屬千戶所十翼連嚙噶齊十人千戶十人副千戶十人	孔拉爾台萬戶府萬戶一人經歷知事各一人所屬千	戶所七翼千戶七人托里都萬戶府萬戶一人副萬戶	一人經歷知事各一人所屬千戶所九翼千戶九人筆	善萬戶府設官與托里都萬戶府同所屬千戶所六翼	連嚙噶齊四人千戶六人副千戶四人砲手千戶所一	翼千戶一人哨馬千戶所一翼連嚙噶齊一人千戶一	人副千戶一人右阿克蘇衛親軍都指揮使司掌宿衛	城禁蕪營漕河蘇沽兩川屯田供給軍儲連嚙噶齊一	人都指揮使三人副都指揮使二人僉事二人經歷二	人知事二人照磨一人所屬行軍千戶所千戶七人把	門千戶二人本技下連嚙噶齊一人長官副長官各一	人廬江縣連嚙噶齊一人主簿一人儒學教授一人左	阿克蘇衛職掌與右阿克蘇衛同設官亦同回回砲手	軍匠上萬戶府連嚙噶齊一人萬戶一人副萬戶一人	經歷知事各一人所屬千戶所三翼連嚙噶齊三人千
-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------

戶三人副千戶三人唐古衛親軍都指揮使司總領河
西軍以備征討都指揮使三人副都指揮使二人僉事
二人經歷照磨知事各一人千戶所九翼正千戶副千
戶各九人儒學教授一人蒙古字教授一人桂齊衛親
軍都指揮使司達嚕噶齊一人都指揮使二人副都指
揮使二人僉事二人經歷知事各二人照磨一人千戶
所八翼每翼置達嚕噶齊一人千戶一十六人延安屯
田打捕總管府掌折居放良人戶并烏蘭濟蘇田地北
來蒙古人戶達嚕噶齊一人總管同知各一人經歷知
事各一人打捕屯田官一十二人大寧海陽等處屯田
打捕所掌北京平梁等路折居放良布噶齊等戶都指
揮使三人副都指揮使二人僉事二人經歷知事各二
人照磨一人所屬行軍千戶所十翼達嚕噶齊十人副
達嚕噶齊千戶副千戶各十人弩軍千戶所一翼達嚕
噶齊一人千戶一人屯田左右千戶所二翼達嚕噶齊
二人千戶二人西域親軍都指揮使司達嚕噶齊一人

都指揮使副都指揮使各二人僉事二人經歷知事各二人照磨一人所屬行軍千戶所千戶十三人把門千	戶二人儒學教授一人宗仁蒙古侍衛親軍都指揮使	司都指揮使三人副都指揮使二人僉事二人經歷知	事各二人照磨一人所屬蒙古軍千戶所十翼千戶二	十人屯田千戶所千戶四人儒學教授一人蒙古教授	一人山東河北蒙古軍大都督府掌各路軍民科差及	調遣總攝軍馬公事大都督三人同知一人副使一人	經歷一人都事二人照磨一人所屬左萬戶府萬戶一	人副萬戶一人經歷知事各一人千戶九翼千戶十一	人右萬戶府設官同千戶九人巴圖萬戶府達魯噶齊	一人萬戶一人副萬戶一人經歷知事各一人千戶七	翼千戶七人哈達萬戶府達魯噶齊一人萬戶一人經	歷知事各一人千戶八翼千戶八人蒙古回回水軍萬	戶府達魯噶齊一人萬戶一人副萬戶一人經歷知事	各一人千戶八翼達魯噶齊二人千戶六人奇圖噶萬
--	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------

戶府達嚕噶齊一人萬戶一人副萬戶一人經歷知事
各一人千戶七翼千戶七人噶必雅齊千戶一翼千戶
一人洪澤屯田千戶一翼達嚕噶齊一人千戶副千戶
各一人左翼蒙古侍衛親軍都指揮使司都指揮使三
人到都指揮使二人僉事二人經歷知事各二人照磨
一人千戶所七翼正千戶副千戶各七人知事七人蒙
古字教授一人儒學教授一人右翼蒙古侍衛親軍都
指揮使司設官與左翼同所屬千戶所十二翼正副千
戶各十二人蒙古字教授一人儒學教授一人虎賁親
軍都指揮使司掌領上都路元籍軍人煎詐囉之事設
官亦與左翼同所屬錫迪千戶翼正達嚕噶齊一人副
達嚕噶齊一人正千戶副千戶各一人知事一人布哈
千戶翼正達嚕噶齊一人副達嚕噶齊一人正千戶副
千戶各一人托克托穆爾千戶翼正達嚕噶齊一人副
達嚕噶齊一人正千戶副千戶各一人知事一人大夫
都統千戶翼正達嚕噶齊一人副達嚕噶齊一人正千

戶副千戶各一人知事一人揚千戶翼正達魯噶齊一人副達魯噶齊一人正千戶副千戶各一人知事一人
察喇卜和卓千戶翼正達魯噶齊二人副達魯噶齊一人正千戶副千戶各一人知事一人

臣等謹案樞密院金太祖天輔七年始置掌凡武備機密之事元則制昉於中統四年掌天下兵甲機密之務宮禁宿衛邊庭軍翼征討戍守節制調度諸務無不由之設院同於金而元制尤重官屬亦繁其時或平章議事或分鎮制邊屢有增設而知院以下所隸者衆蓋唐宋之制屯田營繕綜於

工部扈衛統於十六衛率府統於詹事府各有攸屬而元悉於樞密院隸之領之以重秩繇之以庶政職既不同制亦迥異若元初有行樞密院國有征伐乃置為一方一事而設史稱某處行樞密院事已則罷非制所常設故不備列云

大都督府

元置大都督府管領左右欽察兩衛龍翔侍衛東路蒙古軍元帥府及萬戶府哈喇妻萬

戶府大都督三人同知二人副都督三人僉都督事二人經歷都事各二人管勾照磨各一人所隸右欽察衛達魯噶齊一人都指揮使二人副使二人僉事二人經歷知事照磨各二人其屬行軍千戶十八所達魯噶齊

各一人千戶三十六人屯田千戶所二達魯噶齊二人
千戶二人儒學教授一人蒙古字教授一人左欽察衛
都指揮使三人副都指揮二人僉事二人經歷知事各
二人照磨一人其屬行軍千戶所十翼千戶十人守城
千戶所一翼達魯噶齊一人千戶一人屯田千戶所一
翼設官同有儒學教授一人龍翔待衛親軍都指揮使
司都指揮使三人副都指揮使二人僉事二人經歷一
人知事二人照磨一人其屬行軍千戶所達魯噶齊一
人千戶六人副千戶一人屯田欽察千戶所達魯噶齊
一人千戶一人蒙古字教授一人儒學教授一人哈喇
婁萬戶府掌守禁門及應直宿衛達魯噶齊一人萬戶
一人經歷知事各一人其屬千戶所三翼千戶三人

臣等謹按扈衛禁門及應直宿衛之職唐宋以來
皆屬環衛及三署郎官衛尉諸署元則招集哈喇婁

軍人立萬戶府移屯襄陽尋復改隸大都督府而

於扈衛禁門應直宿衛之職則與古未嘗不同云

御史臺

金置御史臺掌糾察朝議彈劾官邪勸諭官府
公事凡內外刑獄所屬理斷不當有陳訴者付

臺治之設御史大夫御史中丞無貳額侍御史二人掌
奏事判臺事治書侍御史二人掌同侍御史殿中侍御

史二人遇朔對立於龍珥之下專劾朝者儀矩監察御
史十二人掌糾察內外非違劾磨諸司察帳監祭禮及

出使之事其屬典事二人架閣庫管勾一人檢法一人
獄丞一人元置御史臺大夫二人中丞二人侍御史二

人治書侍御史二人經歷一人都事二人照磨一人承
發管勾兼獄丞一人架閣庫管勾兼承發一人殿中侍

御史二人監察御史三
十二人職掌與金同

行御史臺

元置諸道行御史臺以監臨各省其江南諸道行御史臺監江浙江西湖廣三省統江東

江西浙東浙西湖南湖北廣東廣西福建海南十道大夫一人中丞二人侍御史二人治書侍御史二人經歷

一人都事二人照磨一人架閣庫管勾一人承發管勾兼獄丞一人監察御史十人陝西諸道行御史臺統漢

中龍北四川雲南四道大夫一人中丞二人侍御史二人治書侍御史二人經歷一人都事二人照磨一人架

閣庫管勾一人承發管勾兼獄丞一人監察御史二十人

臣等謹按御史臺金元制畧同而設官不一元至

元五年始建英宗至治以後厥制乃定糾察百僚

彈劾政治內有監察院隸之外有廉訪司承之執

紀綱肅風憲為職綦要至行御史臺之職金熙宗
皇統二年曾定行臺官品而制不詳故金史百官
志不載元則至元十四年後始置是職分江南陝
西諸道秩與內臺等其所掌統攝各道憲司而總
諸內臺此其為制內外相維專糾庶政故行御史
臺設官亦多且重與行樞密院隨置隨罷因事偶
設者不同

肅政廉訪司

元初設提刑按察司至元二十八年改肅
政廉訪司共二十二道每道廉訪使二人

副使二人僉事四人兩廣海南正二人經歷知事照磨
兼承發管勾各一人其內道八隸御史臺有山東東西
道濟南路置司河東山西道冀寧路置司燕南河北道
真定路置司河北河南道汴梁路置司山南江北大道中
興路置司淮西北遼東道大寧路置司江南十道隸江南行
路置司山東遼東道寧國路置司江西湖東道龍興路置司
江西南浙西道杭州路置司浙東海右道婺州路置司江
南湖北道武昌路置司嶺北湖南道天臨路置司嶺南
廣西道靜江府置司海北廣東道廣州路置司海北海
南道雷州路置司福建閩海道福州路置司陝西四道
隸陝西行臺陝西漢中道鳳翔府置司河西隴北道甘
州路置司西蜀四川道成都路
置司雲南諸路道中慶路置司

臣等謹按元改按察使為肅政廉訪司雖監制各

路實統隸於內臺及各行臺故附於御史臺之後
非若金之按察使不隸於御史臺而所掌皆鎮撫
人民稽察邊防軍旅諸事且有兼宣撫使之職者
故不同云

登聞鼓院

金置知置聞鼓院同知登聞鼓院事掌奏進
言御史臺登聞檢院理斷不當事無員額又

知法二人以諫
官兼之元不置

登聞檢院

金置知登聞檢院同知登聞檢院事掌奏進
言尚書省御史臺理斷不當事又知法二人

元不
置

臣等謹按宋制登聞檢院屬門下省金制則屬御史臺故附載於御史各職之後焉

審官院

金置審官院掌奏駁除授失當事知院一人同知審官院事一人元不置

臣等謹按金置審官院掌封駁事蓋唐之給事中宋之司諫正言之職也

諫院

金置諫院有左諫議大夫右諫議大夫左司諫右司諫左補闕右補闕左拾遺右拾遺皆無員缺元

不置

臣等謹按金史百官志審官院列於翰林學士院

之後諫院雜於諸監寺之中然其職掌封駁諫諍

拾遺補闕各有攸司茲移載於御史臺之後以從

其類

大宗正府

金置大宗正府掌教睦糾率宗屬判大宗正事一人同判大宗正事一人同僉大宗正事

一人大宗正丞一人章宗泰和六年避諱改宗正為睦親知事一人元置大宗正府扎爾古齊四十二人郎中

二人員外郎二人都事二人承發架閣庫管勾一人

臣等謹按金制大宗正府其職奉王命糾宗屬而

己元初則於府置斷事官曰扎爾古齊會決庶務

諸王駙馬蒙古色目人等犯公事及漢人有罪悉掌之逮泰定帝致和以後上都大都所屬者歸宗正府其路府州縣蒙古漢人詞訟則悉歸刑部焉蓋其時上都大都與諸路中外不同故因初制而特加變通云

大司農司

金宣宗興定六年置司農一人卿三人少卿三人知事二人元置

大司農司凡農桑水利學校饑荒之事悉掌之置大司農四人卿二人少卿二人丞二人經歷一人都事二人架閣庫管勾一人照磨一人所屬籍田署字耕種籍田以供宗廟祭祀暑令一人署丞一人供膳司掌供給應

需貨買百色生料達嚕噶齊一人提點一人司令一人
丞一人輔用庫大使副使各一人與中州等處油戶提
領所提領一人大使副使各一人蔚州麪戶提領所提
領一人副使一人永平屯田總管府達嚕噶齊一人總
管一人同知一人知事一人所轄昌國濟
民豐膳三署各置署令一人署丞一人

臣等謹按元天司農司掌農桑儲積之事與唐宋

畧同金則置司農卿以下迭出巡按察官吏臧否

而黜陟之使節所過奸吏屏息同於唐宋之觀察
處置元之廉訪意在澄叙官方而於司農之掌迥
殊矣

勸農使司

金置勸農使一人副使一人掌勸課天下力田之事元不置

三司

金置三司掌勸農鹽鐵度支戶部三科等事使一人副使一人僉三司事一人同僉三司事一人掌

鹽鐵度支判官三人參議規措審計官三人知事二人勾當官二人管勾架閣庫一人知法三人元不置

臣等謹按三司起於唐末五代特重其職至宋而

專掌財賦皆以重臣領之金泰和以後以省戶部

官故置是職然其所以經理財賦者仍不外戶部

三科之制焉

翰林兼國史院

金制國史院置監修國史修國史同修國史編修檢閱官修遼史刊修官編修

官翰林學士院掌制撰詞命置翰林學士承旨翰林學士翰林侍讀學士翰林侍講學士翰林直學士翰林侍制翰林修撰應奉翰林文字元置翰林兼國史院承旨六人學士二人侍讀學士二人侍講學士二人直學士二人侍制五人修撰三人應奉翰林文字五人編修官十人檢閱四人典籍二人經歷都事各一人

臣等謹按金制分國史翰林為二院元則以翰林

兼國史合為一院又按元一統志及析津志有灤

京翰林分院蓋別立官署於上都者元史百官志

不載謹附識於此

蒙古翰林院

元置蒙古翰林院掌譯寫一切文字及頒降聖書並用蒙古新字仍各以其國字副

之置承旨七人學士二人侍讀學士二人侍講學士二人直學士二人待制四人修撰二人應奉五人經歷都事各一人承發架閣庫管勾一人所隸蒙古國子監祭酒一人司業二人監丞一人蒙古國子監博士二人助教二人教授二人

內八府宰相

元置內八府宰相掌諸王朝覲儼介之事

臣等謹按元史稱內八府宰相遇有詔令則與蒙

古翰林院官同譯寫而潤色之其貴近寵異迥越儕等故有宰相之名然終元之世迄無除授宣命之詔惟成宗天德九年以默齊圖等八人為之其

秩視二品云

集賢院

元置集賢院掌提調學校徵求隱逸名集賢良之事大學士五人學士二人侍讀學士二人侍

講學士二人直學士二人經歷一人都事二人侍制一人修撰一人兼管勾承發架閣庫一人所祿國子監祭酒一人司業二人監丞一人典簿一人博士二人助教四人學正二人學錄二人典文署署令一人以翰林修撰兼之署丞一人以翰林應奉兼之典簿一人

臣等謹按唐元宗開元中始置集賢殿書院設學

士直學士等職宋仍唐制而與昭文史館謂之三館所司者秘書圖籍耳惟元之集賢則掌提調學

校徵求隱逸之事故國子監諸職隸焉而許衡之
為國子祭酒實兼集賢大學士蓋其職本相統也
然則集賢之名雖沿唐宋而官守不同矣至金之
國子監則無所隸屬而設官悉與元同惟別置國
子校勸國子書寫官此又與元制稍殊爾

宣政院

元置宣政院掌釋教僧徒及吐蕃之境而隸治之院使十人同知二人副使二人宣院二人同

宣院判三人參議二人經歷二人都事三人照磨
一人管勾一人所屬斷事官四人經歷知事各一人
容省司大使二人副使一人大都規運提點所達魯噶齊
一人提點一人大使副使各一人上都規運提點所設

官同大都提舉資善庫達噶齊一人提舉同提舉副
提舉各一人上都利貞庫提領一人副使一人大濟倉
監支納一人大使一人興教寺管房提領一人吐蕃等
處宣慰司都元帥府宣慰使五人經歷都事各二人照
磨一人捕盜官二人儒學教授一人圖沙瑪路軍民萬
戶府達噶齊一人萬戶一人副達噶齊副萬戶各
一人經歷知事各一人西夏中興河州等處軍民總管
府達噶齊一人總管一人同知一人治中一人府判
一人經歷一人知事一人托克托鄂遜五人洮州元帥
府達噶齊齊一人元帥二人知事一人十八族元帥府
達噶齊齊一人元帥一人同知一人知事一人積石州
元帥府設官同復置托克托鄂遜一人禮店文州蒙古
漢軍西番軍民元帥府達噶齊齊一人元帥一人同知
一人經歷知事各一人蒙古鄂勒官一人相副官一人
禮店文州蒙古漢軍鄂勒軍民千戶所達噶齊齊一人
千戶副千戶各一人禮店文州蒙古漢軍西番軍民上

欽定四庫全書

卷一百三十三

千戶所設官同禮店陪州西水蒙古漢軍西番軍民總
把二人吐蕃等處招討使司招討使二人知事一人圖
沙瑪探馬軍四萬戶府萬戶五人千戶八人經歷一人
圖沙瑪路新附軍達魯噶齊一人千戶副千戶各一人
文秋州西路南路迪延等處萬戶府達魯噶齊一人萬
戶二人鳳翔等處千戶所達魯噶齊一人千戶一人慶
陽寧環等處總把一人文州課程倉糧官一人岷州十
八族週迴捕盜官二人昌陽特克城阿布隆等處萬戶
府達魯噶齊一人千戶一人階文扶州等處番漢軍上
千戶所達魯噶齊一人千戶二人貴德州達魯噶齊知
州各一人同知州判各一人托克托郭遜一人捕盜官
一人必魯萬戶府達魯噶齊二人萬戶四人松潘疊宕
威茂州等處軍民安撫使司達魯噶齊一人安撫使一
人同知僉事各一人經歷知事照磨各一人靜州茶上
必魯溪安鄉等二十六族軍民千戶所達魯噶齊一人
千戶一人龍木頭都留等二十二族軍民千戶所達魯

噶齊一人千戶一人兵希達羅菊村等處二十二族軍
民千戶所達噶齊一人千戶一人折藏萬戶府達噶
噶齊一人萬戶一人吐蕃等路宣慰使司都元帥府宣
慰使四人同知二人副使一人經歷都事各二人捕盜
官三人朶甘思田地裏管軍民都元帥府都元帥一人
經歷一人拉瑪爾綱等處招討使司達噶齊齊一人招
討使一人經歷一人本布田地裏招討使一人經歷一
人本布爾伊斯噶特百姓達噶齊齊一人碯門魚通黎
雅長河西寧遠等處軍民安撫使司達噶齊齊一人安
撫使一人同知副使僉事各一人經歷知事照磨各一
人六番招討使司達噶齊齊一人招討使一人經歷知
事各一人天全招討使司達噶齊齊一人招討二人經歷
知事各二人魚通路萬戶府達噶齊齊一人萬戶一人
經歷知事各一人碯門魚通等處管軍守鎮萬戶府達
噶齊齊一人萬戶一人經歷戶一人經歷知事各一人
千戶八人長河西管軍萬戶府達噶齊齊一人萬戶二

欽定四庫全書

卷一百三十三

人長河管軍招討使司招討使二人經歷一人朵甘思
招討使一人朵甘思哈達李唐魚通等處錢糧總管府
達魯噶齊一人總管副總管各一人達勒達托克托郭
進一人哈里托克托郭進一人朵甘思昂吉爾濟察斯
千戶一人伊賓瑪爾甘萬戶府達魯噶齊一人萬戶二
人烏斯藏納刺蘇呼魯遜等三路宣慰使司都元帥府
宣慰使五人同知二人副使二人經歷一人捕盜官一
人納刺蘇呼魯遜元帥二人烏斯藏管蒙古軍都元帥
二人達哩管軍招討使一人烏斯藏等處轉運一人舒
魯蘇田地裏管民萬戶一人察爾巴田地裏管民萬戶一
人烏斯藏田地裏管民萬戶一人蘇爾瑪嘉幹田地裏
管民官一人薩刺田地裏管民官一人楚密克萬戶一
人做拉塔拉萬戶一人斯達克陸拉萬戶一人布木古
魯萬戶一人當布持巴千戶四人嘉瑪幹萬戶一人嘉
裕勒幹萬戶一人雅琦克巴勒藏策巴萬戶府達魯噶
齊一人萬戶一人千戶一人達里托克托郭進一人穆

兩軍萬戶府達魯噶齊一人萬戶一人
緜珪堅巴千戶一人普爾巴官一人

臣等謹按元置宣政院官屬最多皆掌外藩之事
每遇吐蕃有事則分院往鎮有大征伐則會樞府
論議用人則自為選擇史稱其軍民通攝僧俗互
用其制不經故不足多也

宣徽院

金置宣徽使掌朝會燕享凡殿庭禮儀及監知
御膳有左宣徽使右宣徽使同知宣徽院事同

金宣徽院事宣徽判官所屬有拱衛直使司掌本直衛
都指揮使副都指揮使鈐轄都轄客省使副使掌接待
人使見辭之事引進使副使掌外貢獻東上閣門使副
使金事西上閣門使副使金事閣門通事舍人承奉班

都知御院通進高衣局掌御用衣服冠帶有提點使副使直長副使直長同監儀鸞局掌殿庭鋪設有提點使副使直長副使直長同監同監尚食局掌聽知御膳有提點使副使直長副使直長同監同監尚藥局掌湯藥茶菓有使副使都監果子都監同監太醫院掌供玉食凡稻粱牲酒庶品及煎烹宋戚元置宣徽院掌供玉食凡稻粱牲酒庶品及煎烹宋戚賓客諸事院使六人同知二人副使二人僉院二人同僉二人院判二人經歷二人都事三人照磨一人承發架閣庫一人所屬光祿寺卿四人少卿二人丞二人主事二人大都尚飲局提點一人大使一人副使一人上都尚飲局設官同大都醴源倉提舉一人大使副使各一人上都醴源倉大使一人直長一人尚珍署達嚙噶齊一人令一人丞二人安豐懷遠等處稻田提領所提領二人尚舍寺掌行在帷帳帳房陳設之事監二人少監二人監丞二人知事二人諸物庫提領一人大使副使各一人闡遺監

掌布帛齊人口頭匹諸物監一人少監二人監丞二人
知事一人尙食局掌供御膳提點一人大使一人副使
二人直長二人大使二人副使
三人上都生料庫提點一人大使一人副使二人直長
一人大都太倉及上都太倉各設提舉一人大使副使
各一人大都上都米度局各置達魯噶齊一人大都大
使一人上都大使三人副使各二人尙牧所提舉一人
同提舉副提舉各一人沙糖局達魯噶齊一人提點大
使副使各一人永備倉提點一人大使副使各一人豐
儲倉大使一人淮東淮西屯田打捕總管府掌獻田歲
入以供內府達魯噶齊一人總管一人同知一人府判
一人經歷知事各一人淮安州等處各屯田打捕提舉
司每司設達魯噶齊一人提舉一人同提舉副提舉各
一人抽分場提領所凡十所每所各設提領一人同提
領副提領各一人滿浦倉大使副使各一人圓米棋子
局軟皮局各設提領同提領副提領各一人手執軍人

補千戶所達嚕噶齊一人上千戶上副千戶各一人龍慶栽種提舉司管領踏山歲輸粟米并易州等處瓜菜挑柴以奉上供達嚕噶齊一人提舉同提舉副提舉各一人弘州種田提舉司掌輸麥麵設官同豐潤署掌歲入芻粟以給飼養馳馬之事達嚕噶齊一人令一人丞一人直長一人常湖等處茶園都提舉司掌摘茶芽以貢內府達嚕噶齊一人提舉同提舉副提舉各一人提領所七處每所各設正同副提領一人建寧北苑武夷茶場提領所提領一人

臣等謹按唐宋之制尚食尚舍良醞諸職皆屬殿中監及光祿寺而金元則併載於宣徽者蓋掌供玉食及燕享宗戚賓客之事胥隸於是院與唐宋

制不同耳

臣等又按金內侍省俱屬宣徽院有中常侍給事中內謁者又宮闈局有提點使副使掌宮中閣門之禁內藏庫有使副使掌內府金寶財物率隨庫都監等供奉其事雖不專立省署其與唐之內常侍內給事內寺伯內府局令丞宋之閣院諸司勾當官職守無異也

大禧宗禮院

元置大禧宗禮院掌神御殿朔望歲時諱忌日辰禮享禮典設院使都典制神御殿

事六人同知燕佐儀神御殿事二人副使兼奉贊神御
殿事二人僉院兼祗承神御殿事二人同僉兼肅治神
御殿事二人院判供應神御殿事二人參議二人經歷
都事各二人管勾照磨各一人所屬陞禧總管府達嚕
噶齊一人總管一人副達嚕噶齊一人同知一人治中
判官各一人經歷知事照磨各一人福元營繕司達嚕
噶齊一人司令一人天使副使各一人普安智全營繕
司達嚕噶齊一人司令一人天使副使各一人祐國營
繕都司設官同平松等處福元田賦提舉司達嚕噶齊
一人提舉同提舉副提舉各一人又田賦提舉司提舉
一人同提舉副提舉各一人資用庫提領大使各一人
萬聖庫提領大使副使各一人會福總管府達嚕噶齊
一人總管同知各一人治中府判各一人經歷知事各
一人仁王營繕司達嚕噶齊一人司令一人大使副使
各一人襄陽營田提舉司達嚕噶齊一人提舉同提舉
副提舉各一人江淮等處營田提舉司設官同大都等

路民伯提領所提領一人大使副使各一人會福財用
所提領一人大使一人副使二人崇祥總管府達嚕噶
齊一人總管一人副達嚕噶齊一人同知治中府判各
一人經歷知事提控案牘兼照磨各一人永福營繕司
達嚕噶齊一人司令一人大使副使各一人昭孝營繕
司普慶營繕司設官並同崇祥財用所提領一人大使
副使各一人永福財用所設官同鎮江稻田提舉司達
嚕噶齊一人提舉同提舉副提舉各一人汴梁稻田提
舉司平江等處田賦提舉司設官同冀寧提領所提領
二人陸祥使司使四人同知二人副使司丞各二人經
歷一人都事二人照磨兼架閣一人普明營繕都司達
嚕噶齊一人司令一人大使副使各一人知事一人集
慶萬壽營繕都司設官同元興營繕都司達嚕噶齊二
人司令一人大使副使各一人知事一人宣農提舉司
達嚕噶齊一人提舉同提舉副提舉各一人獲聖營繕
司達嚕噶齊一人司令一人大使副使各一人平江營

農提舉司達魯噶齊一人提舉同提舉副提舉各一人
善盈庫提領一人大使副使各一人荆襄等處濟農香
戶提舉司達魯噶齊一人司令一人提舉同提舉副提
舉各一人龍慶州等處田賦提領所提領一人同提領
副提領各一人集慶崇禧財用所大使副使各一人壽
福總管府達魯噶齊一人總管副達魯噶齊各一人同
知治中府判各一人經歷知事照磨各一人萬安營繕
司達魯噶齊一人司令大使副使各一人萬寧營繕司
設官同收支庫提領一人大使一人延聖營繕司達魯
噶齊一人司令大使副使各一人諸物庫提領一人大
使一人

欽定續通志卷一百三十三

欽定四庫全書

欽定續通志卷一百三十四

職官略

金元官制下

太常禮儀院

金制太常寺卿一人少卿一人丞一人掌禮樂郊廟社稷祠祀之事博士二人檢閱

二人檢討二人太祝奉禮郎協律郎無員額所屬太廟署兼廩犧署令一人丞一人郊社署令丞各一人武成

王廟令丞各一人諸陵署提點以涿州刺史兼令丞各一人園陵署令丞各一人以宛平大興二縣丞兼大樂

署兼鼓吹署令丞各一人元置太常禮儀院掌大禮樂祭享宗廟社稷封贈謚號等事院使二人同知二人僉

院二人同僉二人院判二人經歷一人都事一人照磨
兼管勾承發架閣庫一人博士二人奉禮郎二人奉禮
兼檢討一人協律郎二人太祝十人禮直管勾一人所
屬太廟署令二人丞一人郊祀署令丞各二人社稷署
令二人丞一人大樂
署令二人丞一人

典瑞院

元置掌寶璽金銀符牌院使四人同知二人僉
院二人同僉二人院判二人經歷二人都事二

人照磨兼管勾承
發架閣庫一人

臣等謹案唐宋皆置符寶郎隸門下省遼亦屬門

下省金則符璽之事掌於禮部符寶郎又屬於殿

前都點檢司元代特置典瑞院崇其秩為正二品

則為當時所獨創其名典瑞者亦猶周官之遺制

也

太史院

元置掌天文歷數之事院使五人同知二人僉院二人同僉二人院判二人經歷一人都事一

人管勾一人所屬春官正兼夏官正一人秋官正兼冬官正中官正一人保章正副各五人掌歷二人腹裏印歷管勾一人各省司歷十二人印歷管勾二人靈臺印一人監候副監候各六人挈壺正一人司辰郎二人教授學正各一人校書郎二人

太醫院

金置太醫院提點使副使無定員隸宣徽院元置太醫院掌醫事及製奉御藥物院使十二人

同知二人僉院二人同僉二人院判二人經歷二人都事二人照磨兼承發架閣庫一人所屬廣惠司卿四人

少卿丞各二人經歷知事照磨各一人大都上都回回
藥物院達嚕噶齊一人大使二人副使一人御醫藥院
達嚕噶齊一人大使二人副使三人御藥局達嚕噶齊
一人局使副使各二人行御藥局達嚕噶齊一人大使
二人副使三人御香局提點司令各一人大都惠民司
上都惠民司提點司令各一人醫學提舉司提舉副提
舉各一人各路提舉司提
舉同提舉副提舉無定員

臣等謹案唐宋太醫署皆為太常寺屬員金為宣
徽院屬員元則特置太醫院院使之職二品其設
官亦多於前代云

奎章閣學士院

元文宗天歷二年置於興聖殿西命儒
臣進經史書及考論帝王之治大學士

四人侍書學士二人承制學士二人供奉學士二人其屬參書二人典籤二人照磨一人所屬羣玉司監司一人司尉一人亞尉一人僉司二人司丞二人典簿一人

臣等謹案元置奎章閣學士專掌經史及考論帝王之治猶唐之北門學士稱為內相者是也金之置益政院以學問該博者數人兼之以備顧問亦稱內相而不設專員其與元之奎章閣固名異而

實同者歟

藝文監

元天曆二年置藝文監太監檢校書籍事二人少監同檢校書籍事二人監丞參檢校書籍事

二人典簿照磨各一人所屬監書博士二人藝林庫藏貯書籍提點大使副使各一人廣成局傳刻經籍大使

副使各

一人

臣等謹案元之藝文監掌經籍圖書即唐宋遼之弘文院秘閣觀書殿昭文館崇文館乾文閣是也其設官則較前代略少者由其專以國語敷譯儒書及儒書之合校讐者俾兼治之而其實分掌圖籍則又有秘書監在焉

侍正府

元置掌內廷近侍之事侍正十四人同知二人參府二人侍判二人經歷一人都事一人奉御

二十四人尚冠奉御副奉御各二人尚衣奉御副奉御各二人尚輦奉御副奉御各二人尚沐奉御副奉御各二人尚飾兼尚輦奉御副奉御各二人奉御掌簿四人

臣等謹案元不立內侍省設侍正府皆以四集賽充之以其貴近也其所屬供御之事大率皆宦者之職又按劉祁歸潛志金代亦有奉御奉職諸員在宮中近侍局多以貴戚世家恩倖者居其職實與元之奉御相同而金史百官志不載謹附識於此

給事中

元至元十五年置給事中兼修起居注二人右侍儀奉御同修起居注一人左侍儀奉御同修

起居注一人掌隨朝省臺院

藩司凡奏聞之事悉記錄之

臣等謹案唐宋給事中專掌封駁隸於三省記注

之事則掌於起居郎及起居舍人金則特置記注院專掌修起居注事元則以給事中修記注是名

銜與唐宋相同而職掌異也

將作院

金置少府監掌管營造之事監少監各一人丞二人所屬尚方署營造金銀器物圖書署掌圖書

裁造署掌管造龍鳳車具亭帳鋪陳諸物文繡署掌繡造御用服飾織染署掌織絳色染文思署專造亭帳皆有

令丞等官無員額元置將作院掌成造金玉珠翠犀象
寶貝冠佩器皿織造刺繡段疋紗羅異樣百色造作院
使七人同知二人同僉二人院判二人經歷都事各一
人所屬諸路金玉人匠總管府連嚕噶齊二人總管副
連嚕噶齊同知副總管各二人經歷知事各一人玉局
提舉司提舉同提舉副提舉各一人金銀器盒提舉司
設官同瑪璫提舉司提舉同提舉各一人陽山瑪璫提
舉司提舉同提舉副提舉各一人金絲子局大使副使
各一人鞵帶斜皮局設官同權玉局大使一人粧釘局大使一人
局大使副使各一人畫局大使一人粧釘局大使一人
大小雕木局大使副使各一人宣德隆興等處瑪璫人
匠提舉司提舉副提舉各一人溫犀玳瑁局大使一人
上都金銀器盒局大使副使各一人漆紗冠冕局設官
同大同路採砂所大使一人管匠都提領所提領一人
監造諸般寶貝官連嚕噶齊二人收支諸物庫大使副
使各一人行諸路金玉人匠總管府連嚕噶齊總管同

知副總管經歷知事各一人異樣局總管府設官同異
樣文繡提舉司提舉同提舉副提舉各一人綾錦織染
提舉司紗羅提舉司設官並同紗金顏料總庫大使副
使各一人大都等路民匠總管府總管同知副總管經
歷知事各一人備章總院大使副使各一人尚衣局達
嚕噶齊提舉同提舉各一人御衣局達嚕噶齊提舉同
提舉副提舉各一人御衣史道安局大使副使各一人
高麗提舉司提舉一人織佛像提舉司提舉副提舉各
二人

臣等謹案唐宋將作監專掌營造宮室之事少府
監專掌御用服飾元不置少府監以將作院兼之
金置少府監而不設將作院其所司既同故類列

之

通政院

元置分大都上都管碩達勒達展齊仍兼領漢人展齊大都院使四人同知二人副使二人僉

院一人同僉一人院判一人經歷都事各一人照磨兼管勾承發架閣庫一人上都院使同知副使僉院判官各一人經歷都事各一人其屬庫給司掌諸王諸蕃各四方邊遠使客飲食供帳等事置提領司令司丞各一人

臣等謹案元代幅宇遼廣象致往來相望於道初置驛以給使傳設托克托郭遜以辨奸偽尋建是官以總之固有元所獨創耳

中政院

金置衛尉司掌中官事務有中衛尉副尉左右常侍給事局有使副使掖庭局有令丞皆無員

額元置中政院掌中官財賦營造供給并番衛之士湯沐之邑院使七人同知僉院同僉院判各二人司議掌史各二人照磨兼管勾承發架閣庫一人其屬中瑞司掌奉寶冊御五人丞典簿各二人內正司供膳服賜予卿四人少卿丞典簿各二人尚工署令一人丞二人玉列赤局提領大使副使各一人贊儀署設官同管領六盤山齊哩克口民匠都提舉司達嚕噶齊都提舉各一人同提舉副提舉各二人知事一人奉元等五處長官司達嚕噶齊長官副長官各一人提領所凡十各設提領同提領副提領各一人翊正司令五人丞四人典簿二人照磨一人管領上都等處諸色人匠提舉司達嚕噶齊提舉同提舉副提舉各一人管領隨路打捕鷹房納綿等戶提舉司設官同管領歸德亳州等處管民提領所提領同提領副提領各一人典飲局大使副使各二

人管領大都等路打捕民匠等戶總管府達魯噶齊總管同知副總管經歷知事各一人在京提舉司達魯噶齊提舉同提舉副提舉各一人提領所凡二十五處提領同提領副提領各一人管領諸路打捕鷹房民匠等戶總管府達魯噶齊總管同知各一人副總管二人經歷二人知事一人照磨一人管民提舉司大都等路凡四司每司達魯噶齊提舉同提舉副提舉各一人提領所大都等路十一所每所提舉二人同提領副提領各一人江浙等處財賦都總管府達魯噶齊都總管同知副總管經歷知事照磨各一人平江等處提舉司凡三每司各設達魯噶齊提舉同提舉副提舉各一人豐盈庫提領大使副大使各一人織染局局使一人管領種田打捕鷹房民匠等戶萬戶府萬戶經歷知事各一人管領大名等處種田諸色戶總管府總管副總管各一人管領本投下大都等處諸色戶計都達魯噶齊達魯噶齊各一人管領大都河間等路打捕鷹房總管府總

管副總管各一人管領東平等路管民官總管相副官
各一人管領大名等路宣撫司燕京路管民千戶所提
領副提領各一人管領曹州等處各提領所每所提領
各二人同提領副提領各一人海西等處萬戶府達嚕
嚕齊萬戶副萬戶經歷知事各二人哈斯罕等處千戶
所達嚕嚕齊千戶副千戶各一人諸色人匠齊哩克口
千戶所鞏州千戶所設官並同遼陽等處金銀鐵冶都
提舉司都提舉同提舉副提舉各一人管領本位下齊
哩克口隨路諸色民匠打捕鷹房都總管府達嚕嚕齊
都總管同知副總管經歷知事照磨各一人管領諸路
打捕鷹房民匠等戶總管府達嚕嚕齊總管同知副總
管經歷知事照磨各一人大都等路管民提舉司達嚕
嚕齊同提舉副提舉各一人大同等處提領所提領二
人同提領副提領各一人河間等處提領所設官同唐
州提舉司達嚕嚕齊提舉同提舉副提舉各一人南陽
鄧州提領所提領二人同提領副提領各一人唐州泌

陽襄陽湖陽汝寧陳州汴梁裕州河南嵩汝南陽唐州
冀寧晉寧各提領所設官皆同河南提舉司達嚕噶齊
提舉同提舉各一人冀寧提舉司達嚕噶齊一人提舉
一人寶昌庫提領大使各一人金銀場提領所凡七每
所各設提領同提領副提領各一人鐵冶管勾所二處
各設管勾同管勾副管勾一人奉宸庫提點四人副使
二人廣禧庫達嚕噶齊提
舉大使各一人副使二人

儲政院

金置詹事院有太子詹事少詹事掌總統東宮
內外庶務左右衛率府掌周衛導從儀仗左右

監門掌門衛禁鑰僕正副僕正僕丞掌車馬廐牧又置
掌寶典儀贊儀侍正侍丞典食令丞侍藥正奉藥正掌
飲令丞家令家丞司經正副正司藏副司倉副中侍局
都監同監左右諭德左右贊善內直郎皆無定員元置
儲政院備左右輔翼皇太子之任初亦名詹事院後改
為儲政院使六人同知僉院同僉院判司議長史照磨

管勾各二人其屬家令司掌飲膳供帳家令家丞各二人典簿二人照磨二人典帳署令丞各二人府正司掌鞞導弓矢府正府丞典簿各二人資武翼用二庫提點大使各一人延慶司掌修建佛事使二人同知一人副使典簿各二人典用監掌段足寶貨卿四人監少監丞各二人經歷知事各一人典醫監達嚕噶齊二人卿三人監少監丞各二人經歷知事各一人廣濟提舉司達嚕噶齊提舉同提舉副提舉各一人行典藥局典藥局各置達嚕噶齊一人大使副使各二人典牧監卿監少監丞各二人經歷知事各一人照磨一人儲膳司卿四人少卿丞主事各二人典寶監卿監少監丞各二人經歷知事各一人

東宮官

金置太子太師太子太傅太子太保太子少師太子少傅太子少保掌保護東宮導以德義元

不置

臣等謹案元之儲政院初名詹事院仍金制也厥
後院署名目遞更至文宗而始改定為儲政院其
實皆東宮官也茲故以金之東宮諸官附載儲政
院之後

殿前都點檢司

金置掌親軍總領左右衛有殿前都點檢兼侍衛將軍都指揮使掌行從宿衛

關防門禁殿前左右副都點檢亦兼侍衛將軍副都指揮使皆無定員殿前都點檢判官殿前左右衛將軍殿前左右衛副將軍俱掌行從宿衛所屬符寶郎掌御寶左右宿直將軍左右振肅官籍監掌內外監戶有提點監副監丞直長近侍局掌侍從承勅有提點使副使器物掌進御器械有提點使副使尚殿局掌御馬有提

點使副使尚輦局亦有使副使鷹坊有提點使副使武庫署掌甲仗有令丞武器署掌儀仗有提點令丞直長皆無定員元不置

臣等謹案金制殿前都點檢掌宿衛扈直如唐宋十六衛環衛官三署郎之職元之樞密院所轄各衛是也其尚輦尚輦諸局如唐宋之殿中監武庫武器諸署如唐宋之軍器監是也元則分屬於大都留守司及武備寺此又各代官制所不相沿襲者也

左都威衛使司

元置皆侍衛親軍至元三十一年撥隸中官使三人副使二人僉事二人經歷

知事照磨各一人行軍千戶所千戶副千戶各二人屯田左右千戶所督軍千戶所千戶各二人皆食倉大使

副使各

一人

右都威衛使司

元置屬東官使三人副使二人僉事二人經歷知事照磨各一人行軍千戶所

千戶副千戶各二人屯田左右千戶所督軍千戶所千戶各一人資食倉大使副使各一人儒學教授各一人

蒙古字款
授一人

臣等謹案唐之左右威衛皆掌禁旅之事而元置

左右都威衛使司則皆撥屬東官蓋與宋左右率

府所掌同然旋即改隸非東宮官屬之常制也又
案元制各官皆尚右惟左右都威衛司則史志序
職以左列右之前其所以獨異於各官者蓋不可
考今姑仍史家之舊云

衛候直都指揮使司

元置掌東宮儀從金銀器物達嚕
嗚齊都指揮使副指揮使各二人

知事一人所屬百戶所凡六各置百
戶二人儀從庫大使二人副使一人

內宰司

元置掌內府事內宰六人司丞四人典簿二人
照磨一人其屬典膳署掌內府飲膳之事令丞

各二人洪濟鎮提領三人柴炭局提領大使副使各一
人藏珍等庫各設提點大使副使各二人提舉備用庫

達嚕噶齊提舉大使各一人嘉醞局提點大使副使各二人西山煤窑場提領大使各一人副使二人保定路打捕提領所提領四人廣惠庫大使副使各一人鹽裕倉監支納倉使各一人備物庫大使副使各二人

臣等謹案元置內宰司與唐之少監六尚所稱尚食尚醞者相似夫宰夫之職若惟刀匕是供者元制則不僅令司典膳凡採薪掌飲及備用倉儲絲銀糧稅皆得領之蓋由家令司所改而卒統於徽政院云

管領齊哩克口諸色民匠都總管府

元置達嚕噶齊總管同知副總管經

歷知事各一人所屬各提舉司達嚕噶齊提舉同提舉副提舉各一人典製局大使副使各一人典設署令丞各四人雜造局院長直長各一人

隨路諸色人匠都總管府

元中統五年命招集析居牧良還俗僧道等戶習諸色匠

藝乃立總管府以司其造作達嚕噶齊一人總管二人同知一人副總管二人經歷知事各一人上都諸色民匠提舉司提舉同提舉副提舉各一人其金銀器盒等九局各置大使副使雲州提領所提領一人大都等路提舉司提舉一人體線等局各置提領大使副使無定員成製提舉司達嚕噶齊一人提舉同提舉副提舉各一人上都大都諸局各置提領大使副使直長等無定員大都鄂囉提領所掌人匠詞訟提領一人上都鄂囉提領所同上都異樣各局各置大使副使直長等官蔚州定安等處山場提領所提領大使各一人副使二人

上都隆興等路雜造局提領大使各一人
真定雜造局大使副使各一人
珠翠局同

管領大都等路打捕鷹房膳粉人戶總管府

元至元十四年招集

平灤散逸人戶置達
嚕噶齊總管各一人

臣等謹案元制設管領總管府最多如大都等路
齊哩克民匠所屬有提舉提領諸路齊哩克民匠
所屬提領共二十所各局大使副使數十員至如
汴梁江淮等掌屯田土地總管府招功萬戶都使
司各總管府所屬提領大使副使幾至百餘員皆

分理人匠承佃之職而非臨民之員不足紀述故

附識於此

內史府

金置親王府官有侍掌師範輔導參議可否府尉本府長史掌警嚴侍從司馬掌門禁文學掌

資廣學問記室參軍掌表牋書啟皆無定員元置內史府掌王府事內史九人中尉六人司馬四人詔議記室各二人其屬延慶司掌王府祈禳之事使三人同知二人典簿一人斷事官三人理王府詞訟之事經歷知事各一人典軍司典軍副使各二人

臣等謹案王府之官金制又有提舉衛紹王家屬

鎬厲王家屬及提控鞏國公家屬等官元又別置

諸王傅官凡四十五王每位皆置之員額無定蓋

因時特設非定制也

隨路諸色民匠總管打捕鷹房都總管府

元置總四鄂
爾多位下戶

計民匠之事達嚕噶齊二人都總管一人
同知副總管各二人經歷知事各一人

管領保定等路阿哈托摩囉諸色人匠總管府

元置專
掌太祖

大鄂爾多事務達嚕噶齊
總管同知副總管各一人

管領各提舉各局各提領各長官司

元置管領官最多
如曹州東平民匠

提舉司大都納綿提舉司奉聖州長官司保定織染局
豐州禹濟局管領口子迤北長官司隨路諸色民匠打

捕納綿民匠大都民匠涿州成錦局河間民匠河間滄州等處長官司河間臨邑等處軍民長官司隨路諸色民匠打捕鷹房等戶涿州等處民匠異錦局上用織染局上都大都麩米等官司彰德等處長官司上都大都等處長官司泰安曹州各處長官司大都上都打捕鷹房納米麩提舉司大都涿州織染提舉司河間路清州人匠提舉司大都等處綿綿提舉司大都等處金玉匠稻田提舉司大都薊州等處打捕提舉司雜造局齊哩克口諸色民匠上都人匠提領所上都大都提領所歸德長官司管領上都大都諸色人匠納蘇戶提舉司致用庫提領司上都人匠局各設達嚕嚕齊提舉同提舉副提舉長官司副長官總管同知副總管提領同提領副提領大使副使或一人或二三人不同

臣等謹案元制各提舉提領長官等職皆非要任

故總叙於左其專掌太祖及鄂爾多位下者則專

載焉

管領打捕鷹房民匠連嚕噶齊總管府

元置掌二皇后鄂爾多位下歲

賜財物造作等事遠嚕噶齊總管同知副總管知事各一人其管領隨路諸色民匠打捕總管府掌太祖鄂爾多四季行營事又管領隨路打捕鷹房諸色民匠齊哩克口總管府掌太祖鄂爾多位下四季行營事設官亦同

都護府

元置掌領舊州城及輝和爾之居漢地者有詞訟則聽之大都護四人同知副都護各二人經

歷都事照磨兼承發架間庫管勾各一人

臣等謹案唐之都護掌征戍元則兼理詞訟所謂
輝和爾斷事官也考史志至元二十年曾以都護
改為大理寺則其以聽訟之事責成之者重矣然
嘗設領北庭其於邊戍之事又未嘗不統焉

崇福司

元置掌領瑪哈錫哩巴拉伊囉勒琨十字寺祭
享等事司使四人同知副使司丞各二人經歷

都事照磨
各一人

大都留守司

金置諸京留守司留守一人帶本府尹兼
本路兵馬都總管同知留守事一人副留

守留守判官都總管判官推官各一人元置大都留守
司掌守衛宮闕及供億門禁諸政留守五人同知副留

守判官各二人經歷一人都事二人管勾承發架閣庫
一人照磨兼覆料官一人其屬修內司提點大使副使
各一人直長五人吏目照磨各一人所屬八局各置提
領同提領副提領管勾提控等官員額或一二人不一
祇應司大使副使各一人直長三人吏目一人所屬五
局各置提領同提領副提領管勾等管又別置器物局
掌內府官殿京城門戶寺觀公廨及御用器物大使副
使各一人直長二人所屬十二局各置提領提控管勾
大使副使等官員額不一大都城門尉掌門禁尉二人
副尉一人特置犀象牙局大使副使直長各一人所屬
二局有提領管勾等官員額不一大都四窪場提領大
使副使各一人南西二窪場及琉璃局各置大使副使
一人凡山採木提舉司達嚕噶齊提舉同提舉副提舉
各一人上都採山提領所提領同提領提控各一人管
夫匠所亦置提領同提領各二人器備庫提點大使各
一人副使二人直長四人甸皮局大使一人上林署署

令署長直長各一人養種園提領二人花園管勾二人
首蒞園提領三人儀鸞局掌殿庭燈燭張設大使四人
副使直長各二人所屬提領十六人木場提領大使副
使各一人大都路管領諸色人匠提舉司提舉同提舉
副提舉吏目各一人真定保定大名晉寧各路管匠官
大使副使管匠官或一人或三人無定制收支庫提點
大使各一人副使二人直長二人諸色庫大使副使各
一人太廟收支諸物庫大使副使各一人南寺北寺收
支諸物庫提領大使各一人副使二人廣誼司總和僱
和買營繕諸事司令同知副使判官經歷知事各二人
照磨
一人

臣等謹案唐宋之制諸冶皆屬於少府監陳設專
掌於殿中監金則專設都城所提舉甄官署令丞

及上林署提點令丞花木局同樂園都監管勾司
其職隸於工部已殊於唐宋之制元則悉綜理於
大都留守司則與屬於諸監者更不同矣

武備寺

金置軍器監掌修治邦國戎器之事設監少監丞無定員所屬軍器庫有大使副使甲坊署置令丞直長利器署亦置令丞直長皆無定員元置武備寺掌繕作戎器兼典受給卿四人同判六人少卿丞各四人經歷知事各一人照磨管勾各一人所屬壽武庫利器庫廣勝庫各置提點大使副使達嚕噶齊等官無定員大同等路軍器人匠提舉司凡十有四司各有達嚕噶齊提舉同提舉副提舉各一人大名軍器等局凡十有九局各有局長大使副使各一人

臣等謹案元之武備寺即金之軍器監也金制仍唐宋之舊而元始改名武備寺其設官亦多於唐宋蓋元時軍政飭修繕治戎器之事視前代較繁

云

太僕寺

元置掌馬足事卿少卿丞各二人經歷知事各一人照磨管勾各一人

尚乘寺

元置掌上御鞍轡輿輦四集賽阿克塔齊詞訟遠方馬匹等事卿四人少卿丞各二人經歷知

事各一人所屬資乘庫提點四人大使三人副使四人

長信寺

元置掌領大鄂爾多齊哩克口諸事卿四人少卿丞各二人經歷知事各一人所屬齋哩克口

諸色人提舉司達嚕噶齊一人提舉同提舉副提舉
各一人大都鐵局大使副使各一人上都鐵局設官同

長秋寺

元置掌武宗五鄂爾多戶口錢糧諸事卿五人
少卿丞各二人經歷知事各一人所屬齊哩克

口諸色人匠二提舉司達嚕噶齊
一人提舉同提舉副提舉各一人

承徽寺

元置掌達爾瑪錫里皇后位下事卿五人少卿
丞各一人經歷知事各一人所屬齊哩克口諸

色人匠提舉司達嚕噶齊一人提
舉司提舉同提舉副提舉各一人

長寧寺

元置掌英宗蘇喀巴拉皇后位下事卿
六人少卿丞各二人經歷知事各一人

長慶寺

元置掌成宗鄂爾多及行幸集賽台人等衣糧
之事卿六人少卿二人丞一人經歷知事各一

人

寧徽寺

元置隸必巴什皇后位下卿六人少卿四人丞二人經歷知事各一人

太府監

金置太府掌出納邦國財用事有監少監丞各官所屬左藏庫掌貨寶財幣有使副使右藏庫

同太倉使副使掌廩藏出納酒坊使副使掌醞造典給署有令丞市買司有使副使掌收買宮中諸物無定員元置太府監掌錢帛出納之數有卿六人監六人少監五人丞五人經歷知事各一人其屬內藏庫提點四人大使副使各二人其右藏左藏設官皆同

度支監

元置掌給馬馳芻粟卿三人監二人少監三人監丞二人經歷二人知事一人照磨管勾各一

人

利用監

元置掌出納皮貨卿八人監少監各五人監丞四人經歷知事各一人其屬資用庫提點二人

大使三人副使五人齊哩克口皮局人匠提舉司提舉
二人同提舉一人雜造雙線等八局各置大使副使直
長提舉同提舉副
提舉管勾各一人

中尚監

元置掌大鄂爾多位下齊哩克口諸務及領資
成庫總作供內府陳設帳房帘幕車輿雨衣之

用卿八人監少監各二人監丞二人經歷知事照
磨各一人所屬資成庫提點大使副使各二人

章佩監

元置掌御服寶帶卿五人監四人少監
監丞各二人經歷知事照磨各一人

經正監

元置掌管盤納鉢及標撥投下草地有詞訟則
治之卿一人監少監各二人監丞二人經歷知

事各一人

都水監

金置都水監掌川澤津梁舟楫河渠之事有監
少監無定員兼漕事少監丞二人所屬街道司

管勾都巡河官掌河防之事無定員又有散巡河官元置都水監亦掌治河渠并隄防水利橋梁牌堰之事都水監二人少監一人監丞二人經歷知事各一人所屬大都河道提舉同提舉副提舉各一人

秘書監

金置秘書監掌經籍圖書之事監一人少監一人丞一人秘書郎二人校書郎一人所屬著作

局著作郎著作佐郎各一人筆硯局直長二人書畫局直長一人都監無定員元置秘書監亦掌歷代圖籍監少監監丞各二人典簿一人所屬著作郎著作佐郎各二人秘書郎校書郎各二人辨驗書畫直長一人

臣等謹案元制唯中書令及左右丞相用銀印秘

書監亦給銀印蓋異數也其監臣皆用大臣奏薦

世家名臣子弟為之又按析津志秘書監有秘書

卿元史百官志不載謹附識以資考証云

司天臺

金置提點監少監判官教授司天管勾等官無員額元置提點一人司天監三人少監五人丞

四人知事一人所屬提學二人教授二人學正二人天文科管勾二人算厯科管勾二人三式科管勾二人測驗科管勾二人漏刻科管勾二人陰陽管勾一人押宿官二人司辰官八人又置回回司天監提點一人司天監三人少監二人監丞二人知事一人令史二人所屬教授一人天文科管勾一人算厯科管勾一人三式科管勾一人測驗科管勾一人漏刻科管勾一人

臣等謹案司天臺之官昉於唐而實則改太史局以置者也金制蓋沿唐舊元代既置太史院乃復

踵金制設司天臺之官豈一事而分建二署歟攷諸史志稱授時之政歸院學校之設隸監蓋當時習測驗之學者置有提學教授等官以攷其業而天文星學必設專署以省試而第別之然後步算無差耳

上都留守司

元置職掌同大都留守司兼治民事車駕還大都則領上都諸倉庫之事留守六人

同知副留守判官各二人經歷二人都事四人照磨兼管勾一人其屬修內司大使一人副使三人直長三人祇應司大使一人副使二人直長三人器物局大使副使各一人直長二人儀鸞局大使二人副使三人直長

二人兵馬司指揮使三人副指揮二人知事一人警巡院達嚕噶齊一人警巡使一人副使判官各二人開平縣達嚕噶齊一人尹丞主簿尉各一人平盈庫大使副使各一人萬盈庫達嚕噶齊監支納大使副使各一人廣積倉設官與萬盈庫同萬億庫達嚕噶齊提舉同提舉副提舉各一人行用庫提點一人大使副使各一人稅課提舉司提舉二人同提舉副提舉各一人八作司達嚕噶齊提領大使副使各一人鹽廩司大使副使各一人

臣等謹案元初置開平府後改為留守司蓋世祖相宅龍岡桓州以東灤水以北有都邑繁會之象焉故至元元年加號上都以其為闕庭之所在車

駕之所臨幸乃特置留守司以治民事是猶唐之有東都宋之有南北京保釐之職蓋綦重也

尚供總管府

元置掌守護東京亭行宮及遊獵供需之事達嚕噶齊一人總管一人同知副總管

判官各一人經歷知事各一人所屬香河等處巡檢一人景運倉提點大使副使各一人法物庫大使副使各一人

雲需總管府

元置掌守護察罕諾爾行宮及行營供辦之事達嚕噶齊一人總管一人同知副總

管判官經歷知事各一人

大都路都總管府

金置大興府尹一人掌宣風導俗肅清所部總判府事兼領本路兵馬都

總管府事同知少尹總管判官府判各一人推官二人元置大都路都總管府達嚕噶齊二人都總管一人副達嚕噶齊二人同知治中判官推官各二人經歷知事各二人照磨管勾各一人

臣等謹案金之大興府即元初燕京路中統五年稱中都至元九年改號大都考唐宋於京府或置尹或置牧所以重京畿也此都總管府之所由置

歟

大都路兵馬都指揮使司

金置武衛軍都指揮使司掌防衛都城警捕盜賊都指揮

使副都指揮使各二人副都一人判官一人所屬鈐轄司鈐轄十人都鈐轄四人都將十人元置大都路兵馬

都指揮使司掌京城盜賊姦偽勦捕之事都指揮使二人副指揮使五人知事一人所屬司獄司司獄丞各一人左右警巡院達嚕噶齊一人使副使判官各一人大都提舉學校所提學一人教授二人學正二人學錄一人

管領諸路打捕鷹房總管府

元置達嚕噶齊一人總管副達嚕噶齊同知副總管

各一人經歷知事各一人所屬宛平縣達嚕噶齊一人尹一人丞三人主簿三人尉一人大興縣達嚕噶齊一人尹一人丞一人主簿二人尉一人東關廂巡檢司巡檢三人西南北三廂設官司

京城門收支器物使

金置于開陽宣仁安利平化通遠宜照利川崇德迎秋廣澤順義迎

朔順常廣智各門又置各門尉副尉等官皆無定員元不置

上京提舉皇城司

金置提舉同提舉
各一人元不置

南京提舉京城所

金置提舉一人同提舉一人掌本京城壁及繕修等事所屬有管勾受給

各官其城隍使副使則
專修宮闕元皆不置

臣等謹案金置提舉京城所及皇城使掌繕修之事如元兩都留守司修內司之職又案金制各宮苑各園皆有管勾少監都監苑使御容殿閣門諸員掌繕修陳設等事如元祇應司器物局之職蓋金為特置之員無所錄屬而元則統屬於留守司

也

行中書省

元置行中書省掌國之庶務統郡縣鎮邊鄙凡錢糧兵甲屯糧漕運軍國重事無不領之

與都省相為表裏每省置丞相一人平章一人左右丞各一人參知政事二人甘肅嶺北二省各減一人郎中員外郎都事各二人其所置各省河南江西北行省江浙行省江西行省湖廣行省陝西行省四川行省遼陽行省甘肅行省嶺北行省雲南行省唯在東行省以征日本置於高麗後即罷之初福建亦設行省至元二十二年併入江西二十三年改併入江浙其行省屬官有檢校所檢校照磨所照磨架閣庫管勾理問所理問副理問知事都鎮撫司都鎮撫副都鎮撫皆無定員

臣等謹案隋以前有行臺省置三省長官及各部

曹屬唐以後不置杜佑謂唐之諸道採訪使所屬有判官又兼判尚書行事即行臺也然或置或罷無定制元之行中書省統轄各路府凡路府之事必申行省國有大政由中書省劄於行省故行省長官慎於選擇蓋做古行臺之制而變通之者也

宣慰司

元置掌軍民之務分道以總郡縣每司宣慰使三人同知副使各一人經歷都事各一人司凡

六道山東東西道河東山西道淮東道浙東道荆湖北道湖南道

宣慰使司都元帥府

元置使三人同知二人副使二人經歷知事各二人照磨兼管勾一

人凡置於廣東道大理金齒等處蒙慶等處廣西兩江道海北海南道福建道八番順元等處察罕諾爾等處惟蒙慶一府所設官各減一人廣西兩江道以下五府則特設都元帥三人副都元帥食都元帥事各二人

宣慰使兼管軍萬戶府

元置每府宣慰使三人同知副使各一人經歷一人都事二人

照磨兼管勾一人凡置於曲靖等路羅羅斯臨安廣西道元江等處

都元帥府

金置掌征伐之事都元帥一人左右副元帥各一人元帥左監軍一人右監軍一人左都

監一人右都監一人經歷一人都事一人知事一人檢法一人正隆六年又立三道都統制府及左右領軍大都督三十二總管泰和六年伐宋又設平南撫軍上將軍平南冠軍大將軍平南龍驤將軍平南虎威將軍平南瓊江將軍及中郎將都尉等職皆因事而置暫設之官也元置都元帥二人副元帥二人經歷知事各一人

臣等謹案都元帥之名起於唐之中葉遼沿其制於北面官設南京都元帥府金之有都元帥府蓋循唐與遼之舊而品秩頗尊然止以掌征討之事兵罷則省天會二年伐宋始置元則專設於邊境考當時置諸北庭者則隸吐蕃宣慰司若蒙古軍征東二府止置都元帥一人副一人惟察遜塔拉獨置都元帥三員蓋邊防輕重不同故員額多寡亦異第係常設之官則與金制殊矣

元帥府

元置達魯噶齊一人元帥一人經歷知事各一人凡所置之處禮店文州特克城哈哩雅圖朶

甘思當陽岷州積石州洮州路圍沙瑪路十八族惟禮店文州增置同知副元帥各一人其餘八府隸吐蕃宣

慰司

臣等謹案元之元帥府設鎮邊境與遼之諸京元

帥府同考元史地理志載元代幅員之廣謂其西

北有不可以里數限者茲常設元帥之職於岷洮

積石而外意良遠矣

宣撫司

元置每司達魯噶齊一人宣撫使一人同知副使各二人僉事一人計議經歷知事各一人凡所置

之地廣南西道麗江路順
元等處播州思州叙南

臣等謹案宋置宣撫使以督視軍旅故以二府大
臣充之事已即罷元則置於邊境專事撫綏非宋
宣撫使之職也

安撫司

元置每司達嚕噶齊一人安撫使一人同知副
使僉事各一人經歷知事各一人凡所置之處

師壁散毛等洞
羅番過蠻等軍

臣等謹案安撫使始於唐宋唐則奉詔巡省宋則
統制軍旅元則置於邊境職掌與宣撫使同亦與

唐宋之制異也

招討司

金置招討司使一人副使二人掌招懷降附征討搆貳其屬判官勸子官各一人知事一人知

法二人元置招討司達嚕噶齊
一人招討使一人經歷一人

按察使

金置掌審刑獄有使副使簽按察使事其屬有知事知法各官無定員元不置

諸總管府

金置掌統諸城隍兵馬甲仗總判府事都總管一人同知都總管一人兵馬副都總管一

人判官一人府判推官各一人元諸總管府達嚕噶齊
一人總管一人同知治中判官各一人推官二人經歷

知事各一人

諸路萬戶府

金置諸鎮節度使一人掌管軍務同知節度使一人通判節度使一人副使判官各

一人元置諸路萬戶府專管軍務分上中下三府每府
達嚕噶齊萬戶副萬戶各一人所屬鎮撫二人上中下
各千戶所達嚕噶齊千戶副千戶各一人
上百戶所百戶二人下百戶所百戶一人

臣等謹案金制諸鎮掌軍務者猶稱節度使沿唐
宋遼之銜名也元則改為萬戶府有上中下之殊
以管軍多寡為別虎符金牌官皆世襲有功則陞
之儼然雄鎮矣

諸防禦州防禦使

金置防禦使一人掌防捍不虞禦制
盜賊同知通判判官各一人元不置

儒學提舉司

元置各行省皆置司統諸路府州學校之
事及考校進呈文字每司提舉一人副提

欽定四庫全書

欽定續通志

舉一人蒙古提
舉學校官同

臣等謹案金代祇於府州置文學博士教授等員
依宋遼舊制也元則特置於行省無所隸屬較金

特崇其秩蓋亦慎重學校之良制云

都轉運使

金置掌賦稅錢穀倉庫出納有
使副使判官皆無定員元不置

都轉運鹽使司

金置各鹽使司凡七所掌幹鹽利以佐
國用使一人副使二人判官三人管勾

二十二人同管勾五人都監八人監同七人知法一人
元置轉運鹽使司三所掌鹽課事使二人同知副使各一
人運判二人經歷知事各一人所屬鹽場各場司令丞
管勾各一人鹽課提舉司二所提舉同提舉副提舉各

一人所屬鹽場設官同茶鹽轉運使一所使同知副使
運判各一人經歷知事各一人所屬各鹽場設官亦同

諸路總管府

金置諸府尹一人同知少尹府判推官各
一人所屬教授一人知法一人元改為總

管府達嚕噶齊總管各一人同知治中判官各一人推
官二人經歷知事各一人所屬儒學教授學正學錄各
一人蒙古教授醫學教授陰陽學教授各一人司獄司
司獄一人丞一人平準行用庫提領大使副使各一人
織染局局使副使各一人雜造局局使副使各一人府
倉大使副使各一人惠民藥局提領一人稅務提領大
使副使各一人錄事司達嚕
噶齊錄事司候判官各一人

臣等謹案金史百官志諸府錄事諸州司候市令

司軍器庫使商稅務使各庫使都監買物司不隸

於各府之下其與元制稍殊者元制每府所置之官皆同金則諸府州屬員額多寡互異且有或置或不置者故難畫一備載耳

散府

元分置散府達嚕噶齊一人知府或府尹一人同知判官推官各一人

臣等謹案元之散府或隸諸路或隸宣慰司或隸行省或直隸省部或統州縣或不統州縣其制無定故其設官亦不備也

諸州

金置諸州刺史一人同知判官各一人元置諸州達嚕噶齊知州同知判官無定員其州分上中下

三
等

諸縣

金置諸縣各一人丞主簿尉各一人元置諸縣連嚕嚕齊一人尹一人丞簿尉各一人

臣等謹案金制大興宛平為赤縣其次為次赤縣為劇縣在京倚郭為京縣自京縣而下乃分上中下三等令之品秩亦分等差是猶沿唐宋之制元以大興宛平屬於管領諸路打捕鷹房總管府不分赤劇其各行省之縣則分上中下而令之品秩亦殊焉

中都勸使司

金置掌醞造麴藥辦課有使副使都監皆無定員元不置

提舉南京路權貨事

金置無員額

中都商稅務司

金置使一人副使一人都監一人掌辦課以佐國用

中都廣備庫

金置使一人副使一人判官一人掌尺帛顏色油漆諸物出納之事

永豐庫

金置使一人副使一人判官一人掌泉貨金銀珠玉出納之事所屬鑄鐵院都監二人

南京交鈔庫

金置使一人副使一人掌出入錢鈔之事

中都流泉務

金置使一人副使一人掌流通泉貨之事所屬有中都店宅務管勾四人

中都左右廂別貯院

金置使一人副使一人判官無員額掌拘收退朴等物及出給之事

中都木場

金置使一人副使一人判官一人掌拘收材木諸物及出給之事

中都買物司

金置使一人副使一人掌收買官中所用諸物都監四人掌支應等事

京兆府司竹監

金置管勾一人掌籜養竹園採斫之事

諸綾錦院

金置院于真定平陽太原河間懷州等處使一人副使一人掌織造段疋之事

規措京兆府耀州三白渠公事

金置規措官無員額掌灌溉民田之事

漕運司

金置提舉一人同提舉一人勾當官無員額掌催督起運綱船

諸倉

金置使副使掌倉廩蓄積納租稅支給祿廩之事

草場

金置使副使掌儲積受給之事

南京諸倉

金置監支納官又有草場監支納官無員額

南京提控規運柴炭場

金置使副使無員額

西京規運柴炭場

金置使副使無員額

臣等謹案金之設官員簡而職陳元之設官額繁而事統其各有攸屬者既類列於編而家國天下食貨之所需其間至纖至悉凡以利民用而阜民財當必有經理而區畫之者未可以其秩卑事瑣而謂無足輕重也若金之中都麴使司以下諸職

或以辦課榷商或以交鈔質劑或專掌灌溉之宜
或分領漕運之務下至木場竹監錦院綱船悉有
以兼司其事而以較有元官制則凡此諸職皆分
隸於戶部工部宣徽院留守司以及諸路總管府
特其名目不同故未可以類叙耳

諸總管府節鎮兵馬司

金置兵馬司掌巡捕盜賊事都
指揮使一人副都指揮使二人

指揮使一人軍使一人左右什將各一人諸府鎮又有
都軍使都指揮使一人諸防刺州軍轄一人諸府州兵
馬鈐轄一人
所掌皆同

諸巡檢

金匱中都有東北都巡檢使西南都巡檢諸州都巡檢散巡檢皆無定員元巡檢司巡檢皆屬

於諸

縣

臣等謹案巡檢始於宋以材武大小使臣充之金

猶沿宋制無所隸屬元則屬於諸縣丞簿之下其

職卑而其權亦稍殺矣

各讖察使

金匱灌閬讖察官孟津渡讖察提舉讖察使沿淮讖察使掌糾察非違元不置

諸邊將

金匱諸邊有正將副將都將各一人巡守邊境元不置

統軍司

金匱統軍司使一人掌鎮攝封陞副統軍判官各一人元不置

諸明安

金置明安掌修理軍務所屬穆昆掌撫輯軍戶皆無定員元不置

諸部族節度使

金置統制各部鎮撫諸軍副使判官各一人元不置

諸紕詳袞

金置詳袞默濟格掌守戍邊堡皆無定員元不置

諸額勒金司

金置額勒金一人掌部族村寨元不置

諸圖哩

金置圖哩一人掌部落詞訟元不置

臣等謹案金代詳袞額勒錦諸職猶沿遼制之舊

雖名目不異而品秩懸殊要以治其部族之官蓋

終金之世不廢云

諸羣牧所

金置烏勒呼一人使副使判官各一人掌檢校羣牧事元不置

諸蠻夷長官司

元置長官司秩如下州有達嚕噶齊長官副長官各一人

各處托克托郭遜

元置掌辨使臣奸偽正副各一人

欽定續通志卷一百三十四

欽定四庫全書

欽定續通志卷一百三十五

職官畧

明官制上

明之官制自太祖初下建康設官仍元之舊洪武元年設六尚書皆隸中書省十三年廢中書省革丞相諸官乃分其職於六部惟選簡才望以備顧問成祖踐阼始建內閣以翰林院平駁諸司章奏仁宗登極始以東官

舊臣入閣辦事擢楊士奇為禮部侍郎加少保兼華蓋殿大學士楊榮為太常卿兼內閣辦事由是閣權漸重無異宋遼金元三省長官而六部皆稟受內閣風旨而後行初又改樞密院為都督府分府為五而攝其樞要於兵部改宋遼金元之御史大夫中丞為都御史臺為察院分十三道御史并革前代治書殿中諸侍御史名銜而糾劾巡按照刷問擬之任一切責之監察御史設給事中八十餘人掌侍從規諫補闕拾遺分察六部之

事而糾其弊誤權為最重草元代行中書省參政等官
用布按二司統攝郡縣永樂間於要害之地始遣巡撫
仁宣之際添設漸多用都御史侍郎通政卿丞景帝景
泰以後悉用都御史洎乎末造一省設有數員官冗而
事愈不振矣又明初金陵官制已具後雖定鼎北京而
南省之官如故惟事權不屬職事高簡終明之世不廢
亦一代之制也

宗人府

明置宗人府宗人令一人左右宗正各一人左
右宗人各一人掌皇九族之屬籍以時修其玉

牒其屬經歷司經歷一人南京
宗人府不置官惟經歷一人

卷一百三十五

臣等謹按孫清宗人府題名碑記明太祖建宗人
府以親王之長領府事以勲舊大臣佐之其職較
唐以後各代為獨重故明會典載於各署之前又
按孫承澤春明夢餘錄英宗正統三年北京始建
府治

太師太傅太保

明制以太師太傅太保為三公無
定員無專授或為加銜或為贈官

臣等謹按明代沿唐宋遼金元之制不特置三公

之官洪武三年加李善長為太師徐達為太傅時
常遇春已贈太保嗣後祇加之勲戚武臣其文臣
得加者善長之外惟張居正一人餘則皆贈官云

少師少傅少保

明制以少師少傅少保為三孤
亦無定員無專職與三公同

臣等謹按明初三孤無兼領者惟宣宗宣德三年
以蹇義為少師楊士奇為少傅夏原吉為少保各
輟所領侍左右咨訪政事公孤之官幾於專授唐
以後歷代所未有也又考三孤之官各代所不置

惟宋徽宗政和中置而即罷明則獨倣周制設是職而不輕授官云

太子太師太子太傅太子太保

明制以太子太師太子太傅太子太保為東宮

三師無定員無專職或為加官或為贈官

太子少師太子少傅太子少保

明制以太子少師太子少傅太子少保為東宮

三少亦無定員與東宮三師同

太子賓客

明制無定員其秩亞於東宮三師三少為尚書侍郎加官間以祭酒都給事中兼之

殿閣大學士

明置中極殿大學士建極殿大學士文華殿大學士武英殿大學士文淵閣大學士

東閣大學士掌獻替可否奉陳規誨點檢題奏以平允庶政

臣等謹按明鄭曉百官述洪武十五年冬始做宋制置殿閣學士其時檢討典籍諸官皆得為殿閣大學士宣德初始以侍郎直內閣景泰以後加至宮保尚書遂與唐宋遼金元之三省長官同其秩焉

臣等又按明初罷丞相析中書省之政歸六部殿閣大學士祇備顧問鮮所參決仁宣以後加公孤

參可否由是內閣擬票而職掌漸宗然擬票又決於內監之批紅以致流弊從生云

吏部尚書侍郎

明置尚書一人左右侍郎各一人尚書掌天下官吏選授封勳考課之政令侍

郎貳之南京吏部尚書一人右侍郎一人

臣等謹按明初六部皆屬於中書省洪武十三年詔政歸六部而吏部長官尤慎其選較五部為特重

文選郎中員外郎主事

明置文選司郎中一人員外郎一人主事二人掌官吏班秩遷

陞改調之事南京吏部又
選司郎中一人主事一人

臣等謹按明初吏部設屬部四第一曰總部洪武
二十二年改總部為選部二十九年改為文選司
而吏部四屬部并五部屬皆稱清吏司即唐宋以
來吏部即官之職也

臣等又按唐宋遼金元以主事為曹郎屬官與司
務檢校諸員同列明制陞主事為曹郎共理部事
各部司務廳司務二人掌催督稽緩勾銷簿書職

掌仍與唐以後各代同

驗封郎中員外郎主事

明置驗封司郎中一人員外郎一人主事一人掌封爵襲廢喪贈吏

算之事南京吏部驗封司郎中一人主事一人

臣等謹按明之驗封即唐宋司封郎官之職金元則

皆屬吏部郎官不特設司封

稽勲郎中員外郎主事

明置稽勲司郎中一人員外郎一人主事一人掌勲級名籍喪

養之事南京吏部稽勲司郎中一人主事一人

臣等謹按明之稽勲即唐宋司勳之職金元則皆

屬吏部郎官不特設司勳

考功郎中員外郎主事

明置考功司郎中一人員外郎一人主事二人掌官吏考課黜

陞之事南京吏部考功司郎中一人主事一人

臣等謹按明制南京官職皆隸北吏部惟六年考察則屬南京考功司焉

戶部尚書侍郎

明置戶部尚書一人左右侍郎各一人掌天下田賦之政令稽其版籍之數南

京戶部尚書一人右侍郎一人

臣等謹按明會典世宗嘉靖時以戶部侍郎總理

西苑農事後裁又按神宗萬厯以後增設督理錢
法侍郎及督餉侍郎至三四人蓋出一時權宜非
定制也

十三司郎中員外郎主事

明制戶部分浙江江西湖廣
陝西廣東山東福建河南山

西四川廣西貴州雲南十三司各郎中一人員外郎一
人主事二人各掌其分省之事兼領所分兩京直隸貢
賦及諸司衙所祿俸邊鎮糧餉各倉場鹽課鈔關南京
戶部十三司郎中十三人員外郎九人主事十七人

臣等謹按明會典明初設屬部四曰民部度支部

金部倉部洪武二十三年改為浙江諸省十二部

二十九年改十二部為十二清吏司永樂以後改為十三司

臣等又按明制戶部屬官最多有照磨檢校提舉副提舉典史大使副使幾四十餘員南京戶部亦有照磨提舉大使副使檢校等官較他部獨多明初又置司農司判錄司諸職分掌戶部之事蓋倣宋金元大司農司之制後皆廢不復置悉歸其職於戶部焉

總督倉場

明置總督倉場一人專督諸倉或用尚書或用侍郎俱不治部事

臣等謹按明永樂中置京倉及通州諸倉以戶部司員經理之宣德五年命李昶為戶部尚書專理倉務遂為定制南京亦設總理糧儲一人即元糧運提舉司之職也

禮部尚書侍郎

明置禮部尚書一人左右侍郎各一人掌天下禮儀祭祀宴饗貢舉之政令南

京禮部尚書一人右侍郎一人

臣等謹按唐宋禮部僅掌祠祀若音樂之司唱導

之職分隸太常鴻臚元已省併於禮部而祭祀則
又分掌於大禧宗禋院番貢則專隸宣政院明則
合典樂典教內而宗藩外而諸番上自天官下逮
醫師膳夫之屬靡不兼綜故其屬四司之外又有
教習駙馬主事會同館主事鑄印局大使副使教
坊司奉鑾左右韶舞左右司樂南京禮部亦有鑄
印局副使教坊司韶舞司樂等官其職較前代獨
重憲宗成化以後登公孤任宰輔者多由宗伯益

冠於諸部焉

儀制郎中員外郎主事

明置儀制司郎中一人員外郎一人主事一人正統六年增主

事一人掌諸禮文宗封貢舉學校之事
南京禮部儀制司郎中一人主事一人

臣等謹按明初設屬部四其一曰總部洪武二十

二年改曰儀部二十九年改為儀制司即前代禮

部郎中之職也

祠祭郎中員外郎主事

明置祠祭司郎中一人員外郎一人主事一人正統六年增主

事一人掌諸祀典及天文國恤廟諱之事
南京禮部祠祭司郎中一人主事一人

臣等謹按明初沿唐宋之制曰祠部洪武二十九

年改為祠祭司

主客郎中員外郎主事

明置主客司郎中一人員外郎一人主事一人掌諸番朝貢接

待給賜之事南京禮部主客司郎中一人

臣等謹按明制吏禮兵工四部曹屬制度職掌大略與唐宋相同而悉改其銜名惟主客則仍唐宋之舊也

精膳郎中員外郎主事

明置精膳司郎中一人員外郎一人主事一人掌宴饗牲豆酒

膳之事南京精膳司郎中一人

臣等謹按唐宋之制鴻臚亦掌宴饗明制專隸禮

部初亦仍唐宋之名曰膳部洪武二十九年改曰

精膳司

兵部尚書侍郎

明置兵部尚書一人左右侍郎各一人掌天下武衛官軍選授簡練之政令南

京兵部尚書一人右侍郎一人

臣等謹按唐初之制軍政總於宰輔肅代以後內

樞密及神策諸中尉亦專兵柄宋遼金元掌於樞

密院兵部祇以稽尺籍儲軍器而已明則軍政無所不掌凡命將出師調度兵食悉屬本兵權重而職專此明制之異於前代也

臣等又按明制南京各部任輕職簡皆為養望之官惟兵部尚書專奉敕諭加參贊機務銜同內外守備官操練軍馬撫卹人民振舉庶務其職較五部特重焉

武選郎中員外郎主事

明置武選司郎中一人員外郎一人主事一人後增設主事至

四人掌衛所土官選授陞調襲替功賞之事南京兵部武選司郎中一人主事一人

臣等謹按明初兵部屬部其一曰總部洪武二十

二年改曰司馬部二十九年改為武選司

職方郎中員外郎主事

明置職方司郎中一人員外郎二人主事一人掌輿圖軍制城

隍鎮戍簡練征討之事南京兵部職方司郎中一人員外郎一人主事一人

臣等謹按兵部四屬職掌悉依唐宋之制而改其

銜名惟職方則仍其舊

車駕郎中員外郎主事

明置車駕司郎中一人員外郎一人主事一人掌鹵簿儀仗禁

衛驛傳殿收之事南京兵部車駕司
郎中一人員外郎一人主事二人

武庫郎中員外郎主事

明置武庫司郎中一人員外郎一人主事一人掌戎器符勘尺

籍武學薪祿之事南京兵部
武庫司郎中一人主事一人

臣等謹按兵部所屬又有山海關職方主事會同
館大使副使大通關大使副使南京兵部亦有典
收所提領會同館大使大勝關大使等官蓋皆分
設而統轄於兵部者也

臣等又按明職官志兵部之後有協理京營戎政

一人或尚書侍郎或右都御史為之掌京營操練之事嘉靖二十年專命尚書輟部務理戎政另給闕防此蓋以文臣理京營故與兵部尚書同列耳其後京營武職又重載此官今刪去兵部後所列協理京營戎政併入於後京營一條與總督京營戎政並列焉

刑部尚書侍郎

明置刑部尚書一人左右侍郎各一人掌天下刑名及徒隸勾覆關禁之政令

南京刑部尚書一人右侍郎一人

臣等謹按明初刑部設四科科設尚書侍郎各一人洪武十三年刪併其數如各部之制其屬十三司之外又有漕運理刑主事照磨檢校司獄等官焉南京刑部亦設照磨司獄

十三司郎中員外郎主事

明制刑部分浙江江西湖廣陝西廣東山東福建河南山

西四川廣西貴州雲南十三司各郎中一人員外郎一人主事二人各掌其分省及兼領所分京府直隸之刑名南京刑部十三司郎中十三人員外郎五人主事十四人

臣等謹按明初沿唐宋之制設總部比部都官司

門四屬洪武二十二年改總部為憲部二十三年
分為十二部設官如戶部之制而以浙江部兼領
雲南二十九年改為十二清吏司永樂以後分為
十三司

工部尚書侍郎

明置工部尚書一人左右侍郎各一人
掌天下百工山澤之政令南京工部尚

書一人右
侍郎一人

臣等謹按唐以後各代皆置衛尉太府少府將作
軍器都水各監分掌營繕工作水利之政明則省

併諸監悉歸工部此明制之異於前代也

臣等又按明初設將作司又置營造提舉司皆隸於工部後增設四科科設尚書侍郎各一人洪武二十九年始省併如各部之數而工部所屬如所正所副所丞大使副使提舉副提舉典史諸員幾四十人南京亦有所正所副所丞提舉大使等官

大略與戶部同

營膳郎中員外郎主事

明置營膳司郎中一人員外郎三人主事五人掌經營興作之

事南京工部營繕司郎中一人
員外郎一人主事三人

虞衡郎中員外郎主事

明置虞衡司郎中一人員外郎二人主事四人掌山澤採捕陶

冶之事南京工部虞衡司郎中一人主事二人

都水郎中員外郎主事

明置都水司郎中五人員外郎一人主事七人掌川澤陂池橋

道舟車織造券契量衡之事南京工部都水司郎中一人員外郎一人主事二人

屯田郎中員外郎主事

明置屯田司郎中一人員外郎一人主事三人掌屯種抽分薪

炭夫投墾墾之事南京工部屯田司郎中一人主事一人

臣等謹按明洪武六年設總部虞部水部併屯田

為四屬部二十二年改總部為營部二十九年改
四屬部為營繕虞衡都水屯田四清吏司中葉以
後工部有添設尚書屬部一司增置郎中四人主
事五人蓋因事而置事已則罷非常制也

提督易州山廠

明制或以尚書或以侍郎督理廠事掌督御用薪炭之事嘉靖後專設主事管

理

都察院

明置都察院左右都御史各一人穆宗隆慶以後
添置左都御史一人不置右左右副都御史

各一人左右僉都御史各二人掌糾劾百司其屬經歷
一人都事一人司務二人照磨檢校司獄各一人分十

三道監察御史浙江江西河南山東各十八福建廣東
廣西四川貴州各七人陝西湖廣山西各八人雲南十
一人掌糾察內外百司之官邪南京都察院右都御史
一人右副都御史一人右僉都御史一人提督操江一
人即以副僉都御史為之司務經歷都事照磨各一人
司獄二人十三道監察御史浙江江西河南山東山西
陝西四川雲南貴州各二人福建湖廣廣東廣
西各三人至嘉靖後恒以一人兼數道不全設

臣等謹按明初倣唐宋遼金元之制設御史大夫

中丞侍御史治書侍御史殿中侍御史察院監察

御史後改制以都御史代大夫以副都御史代中

丞而治書殿中之職掌亦臨時擢用悉以監察御

史攝之監察御史至一百十人較前代獨多矣至
唐宋御史祇有知雜事及左右巡六部監察使諸
職掌明則在內有兩京刷卷巡視京營巡視光祿
巡視倉場巡視內庫皇城五城在外有巡按清軍
提督學校巡鹽茶馬巡漕巡關備運印馬屯田監
軍諸職大抵皆奉敕行事復命時則都察院核其
稱職不稱職以聞而河南道獨專內外考察其權
較諸司為尤重焉

臣等又按明永樂十九年遣尚書蹇義諸人巡行天下安撫軍民名曰巡撫事畢停遣後定為都御史出使之職兼軍務者加提督有總兵者加贊理事重者加總督又有經略總理整飭撫治巡治諸銜然必以都御史任之以便行事也蓋倣秦監郡御史唐巡按州縣御史之制而其秩較尊大略與元之行御史臺同故附載於都察院之後焉

經略使

明制無專設有兵事則暫執行事嘉靖中以易州昌平州通州為三輔各置經略使一員尋罷

萬歷中倭侵高麗命都御史以經略使督兵事尋罷熹宗天啟元年遼東置經略一員尋併入總督

總督

明置總督漕運兼提督軍務巡撫鳳陽兼管河道一人總督副遼保定軍務兼理糧餉一人總督宣

大山西軍務兼理糧餉一人總督陝西三邊軍務一人總督兩廣軍務兼理糧餉帶管鹽法兼巡撫廣東一人總督四川陝西河南湖廣軍務一人總督浙江福建江南兼制江西軍務一人總督陝西山西河南湖廣四川軍務一人總督鳳陽兼制河南湖廣軍務一人總督保定地方軍務一人總督河南湖廣軍務兼巡撫河南一人總督九江兼制江西湖廣軍務一人

總理

明置總理南直隸河南山東湖廣四川軍務一人總理河漕兼提督軍務一人總理糧儲提督軍務

兼巡撫應天等府一人

巡撫

明置巡撫浙江兼提督軍務一人巡撫福建兼提督軍務一人巡撫順天兼整飭薊州等處邊備一

人巡撫保定提督紫荆等關兼管河道一人巡撫山西兼提督雁門等關

兼管河道提督軍務一人巡撫山東督理營田兼管河道提督軍務一人巡撫遼東贊理軍務一人巡撫宣府贊理軍務一人

巡撫延綏贊理軍務一人巡撫寧夏贊理軍務一人巡撫甘肅等處贊理軍務一人巡撫陝西贊理軍務一人

巡撫四川兼提督軍務一人巡撫湖廣兼贊理軍務一人巡撫江西兼贊理軍務一人巡撫南贛汀韶提督軍

務一人巡撫廣東兼贊理軍務一人巡撫廣西地方一人巡撫雲南兼建昌畢節地方贊理軍務兼督川貴糧

餉一人巡撫貴州兼湖北川東提督軍務一人巡撫天津贊理軍務一人巡撫登萊贊理軍務一人巡撫安廬

贊理軍務一人巡撫偏沅贊理軍務一人巡撫承天贊理軍務一人巡撫淮揚贊理軍務一人巡撫承天贊理

軍務
一人

撫治

明置撫治鄖陽兼
提督軍務一人

贊理

明置贊理松
潘軍務一人

通政使司

明置通政使司通政使一人左右通政各一人
騰黃右通政一人左右參議各一人掌受

內外章疏敷奏封駁之事其屬經歷一人知事一人南
京通政使司通政使一人右通政一人右參議一人經
歷一人

臣等謹按宋遼以通進司掌章奏隸於門下省金

以登聞鼓院登聞檢院掌奏御進告隸御史臺明

則專設重臣崇其秩為三品無所隸屬此明制之異於各代也

臣等又按明初置察言司受章奏洪武十年始置通政司

大理寺

明置大理寺卿一人左右少卿各一人左右寺丞各一人掌審讞平反之政令其屬司務二人

左右二寺各寺正一人寺副二人評事四人南京大理寺卿一人右寺丞一人司務一人左右寺正各一人左右評事各三人

臣等謹按明初置磨勘司及審刑司猶沿宋制也

永樂初乃定制置大理寺

詹事府

明置詹事府詹事一人少詹事二人府丞二人其屬主簿一人錄事二人通事舍人二人詹事

掌統府坊局之政事以輔導太子左右春坊大學士各一人庶于各一人諭德各一人中允各二人贊善各二人司直即各二人清紀即各一人司諫各二人大學士掌太子上奏請下啟箋及講讀之事庶子諭德中允贊善各奉其職以從司直清紀即掌彈劾宮僚司諫掌箴誨諫戒司經局洗馬一人校書二人正字二人洗馬掌經史子集制典圖書刊輯之事校書正字掌繕寫裝潢南京詹事府主簿一人

臣等謹按明初沿唐宋遼金之制置左右率府使副使及文學中舍等員又沿元制稱詹事院至洪

武二十五年乃改院為府置坊局諸官然多以尚書侍郎都御史攝職成化以後以禮部尚書侍郎魚掌之嘉靖以後府坊局僅為翰林遷轉之階不置魚掌之官焉

翰林院

明置翰林院學士一人掌制誥史冊文翰之事以考議制度詳正文書侍讀學士侍講學士各

二人侍讀侍講各二人掌講讀經史五經博士九人掌專經講義典籍二人侍書二人侍詔六人孔目一人修撰編修檢討庶吉士無定員南

京翰林院學士一人孔目一人

臣等謹按明初沿唐宋遼金元之制置弘文館秘

書監後併於翰林院又置學士承旨直學士諸員
後裁永樂初以講讀編檢參預機務平駁諸司章
奏謂之內閣則內閣即翰林職也後直內閣者皆
由尚書侍郎加以官保不復以翰林官間章奏而
翰林專為文學侍從之臣矣

臣等又按明會典翰林院序各寺後今依明史職
官志移於國子監之前

國子監

明置祭酒一人司業一人掌國學諸生訓導之
政其屬繩愆廳監丞一人博士廳五經博士五

人率性修道誠心正義崇志廣業六堂助教十五人學
正十人學錄七人掌講說經義文字典簿一人典籍一
人掌饌二人南京國子監祭酒一人司業一人監丞一
人典簿一人博士三人助教六人學正五人學錄二人
典籍一人
掌饌一人

臣等謹按明會典明初置中都國子監置祭酒司


業諸員後裁又按明史職官志以衍聖公序於國

子監之後洪武元年授孔子裔孫希學襲封爵正

二品置官屬有掌書典籍司樂知印奏差書寫各

一人世職曲阜知縣一人翰林院世襲五經博士

二人又五經博士十二人顏氏一人曾氏一人仲
氏一人孟氏一人周氏一人程氏二人邵氏一人
張氏一人朱氏二人劉氏一人其教授司教授學
錄司學錄孔顏曾孟四氏各一人尼山洙泗二書
院各學錄一人皆前代所未有也



欽定續通志卷一百三十五